

畿輔通志卷二百十五

列傳二十三 元五

元

大名府

王珍

子文幹
文禮

靳祥

子德進

貝降

父呼圖克

張立道

朱文英

劉珪

烏克遜澤

子良楨

張涪

盧克治

李茂

元善

劉天孚

張積

蓋苗

劉健

李好文

郭嘉

高昉

巴延

尼雅斯拉鼎

子寶通
錫卜沙魯

海瑠丹

卞琛

李從善

楊崇喜

杜欽

潘迪

王賢

陳子奇

宣化府

劉敏

譚澄

楊惟中

趙璿

子秉胤

魏初

梁樞

楊贊

潘澤

崔彥

武恪

觀音努

吳思達

王彰

米安

郭欽

口北三廳

耶律托輝

子珠格 珠格孫孟古岱

邁珠

邁珠子圖們岱爾

和尚

父古都斯

子

布埒齊

耶律伯堅

達爾瑪實哩

溫義

遵化州

楊時照

王從政

易州

趙柔

何伯祥 子瑋

鞏彥暉 兄彥榮
子信

柴禎 父從吉

敬儼 父元長

趙守贊

盧應

邢政 子用中

王彥彰

張琪

冀州

賈塔爾琿 孫六十八

張晉亨 兄顯
子好 嚴寶

孔元

鄭甫 兄義

鄭天敘 弟天倫

吳謙

周祥

劉理

趙志

康繼禮

李良弼

李希賢

吳彌

張執

李璋

孫夢錫

趙州

王義

趙彥

張全 子元

董元 孫訥

劉安世 父才

陳祐 祖忠 子夔 孫思謙

陳天祥

王忱

張謙

張居敬

李思明

張公爵

荆元剛 孫思溫

元思明

段德隆

董鉉 弟錫 銓

賈廷瑞

陳忠 韓安世

張曾

深州

李春

高源

王綱

梁大有

牛繼志

祝明

王鑑

定州

鮮卑仲吉

子準
孫誠

李進

范仲潔

王結

滕安上

王文淵

杜儒

李楫

趙才卿

周源

王明佐

馬景友

弟希友

元

大名府

王珍字國寶大名南樂人慷慨有大志金末喪亂所在盜起南樂楊鐵槍聚眾保鄉里太祖遣兵攻取河朔鐵槍以兵應之行營師安札署珍軍前都彈壓鐵槍戰死蘇椿代領其眾

宋將彭義斌侵大名椿戰不利降之義斌遂據大名珍棄家

間道走還軍中安札嘉其誠待遇益厚以爲假子復從蘇勒

庫

原作速魯忽

擊走義斌蘇椿以大名降珍妻子故在珍語之曰

吾非棄汝輩誠不以私愛奪吾報國之心耳聞者稱歎授鎮

國上將軍大名路治中軍前行元帥府事俄以取甯海胙城

功遷輔國上將軍復授統攝開曹滑濟等處行元帥府事兼

大名路安撫使蘇椿復欲叛歸金珍覺之與元帥梁中先發

兵攻椿椿開南門遁授珍驃騎衛上將軍同知大名府事兼

兵馬都元帥從拉卜台

原作刺不台

經略河南破金將武仙於鄭

州復與金人戰於蕭縣其將國用安據徐邳珍從塔沁及額

斯倫攻拔之

案元史攷證云金史本傳國用安本紅襖賊餘黨降元爲都元帥安札爾以其擅授徐邳宿三

州之降遣張進等圖之用安乃懼降非拔之也所載與此異

授同簽大名行省事從軍伐

宋破光州棗陽廬壽滁州珍常身先諸將屢有功宋城五河口珍帥死士二十人奪之宋人遁乘勝進師連破濠泗渦口歲庚子入見太宗授總帥本路軍馬管民次官佩金符珍言於帝曰大名困於賦調貸借西域賈人銀八千錠及通糧五萬斛若復徵之民無生者矣詔官償所借銀復盡蠲其逋賦朝議分蒙古漢軍戍河南以珍戍睢州修城隍明斥堠宋兵不敢犯己酉進本路征行萬戶加金虎符在鎮九年卒年六十五子文幹善騎射襲爲行軍萬戶己未從世祖攻鄂州先登中流矢賜以良馬金帛李璫叛從哈必齊討平之論功語以官賞文幹對曰增秩則榮及一身賜金則恩逮麾下迺以白銀二千兩器皿百事雜綵百緡賞之文幹悉頒之軍中中統三年制父兄弟子并仕同塗者罷其弟子文幹弟文禮爲

千戶文幹自陳願解已官而留文禮詔從之改同知大名路
總管府事累遷河東山西道提刑按察副使近臣言其鄂州
之功升簽東川行樞密院事歷全州衛輝東平總管改江東
建康道提刑按察使卒於官年五十八發其篋中錢僅七緡
貧不能歸葬人以此稱之

元史

靳祥其先潞州人後徙大名祖璇業儒祥師事陵川郝温兼
善星歷金末兵亂與母相失母悲泣而盲祥訪得之舐其目
百日復明人稱其孝初劉敏行省燕京辟祥賓幕下佩以金
符時藩帥得擅生殺無辜者多賴祥以免贈集賢大學士諡
安靖

元史靳德進傳

子德進爲人材辨幼讀書能通大義父沒益自

刻勵尤精星歷之學世祖命太保劉秉忠選太師官屬德進

以選受天文星歷卜筮三科管勾凡交蝕躔次六氣侵診所

言休咎輒應時因天象進規諫多所裨益累遷祕書監掌司
天事從征叛王納延揆度日時率中機會諸將欲勦絕其黨
德進獨陳天道好生請緩師以待其降又奏言叛者多惑於
妖言遂謀不軌宜括天下術士設陰陽教官使訓學者仍歲
貢一人帝從之著爲令成宗以皇孫撫軍北邊遣德進從行
凡攻戰取勝皆豫剋期日無不驗者成宗卽位歷陳世祖進
賢納諫咨詢治亂之原帝嘉納之授昭文館大學士知太史
院領司天臺事賜金帶宴服都城以荻苫廩或請以瓦易之
帝以問德進對曰若是役驟興物必踊貴民力幾何臣愚未
見其可議遂寢敕中書自今凡集議政事必使德進預焉所
建明多見於施行尋以病丐閒仁宗時在東宮特令中書加
官以留之會車駕自上京還召見白海行宮授資德大夫中

書右丞議通政院事仁宗卽位命領太史院事力辭不允以疾卒贈推誠贊治功臣榮祿大夫大司徒柱國魏國公諡文穆子泰工部侍郎元史

貝降原作拜降北庭人父呼圖克武勇過人由宿衛爲南宿州鎮

將分守口縣後從世祖南征年幾七十每身先士卒戰功居

多徙居清豐縣卒贈廣平路總管封漁陽郡侯呼圖克卒時

貝降生甫數月母徐氏鞠育教誨甚至每日吾惟一子不可

使不知學顧縣僻無良師遂遣從師大名城中郡守每朔望

入學見貝降容止講解大異羣兒甚愛獎之比弱冠美髭髯

儀表甚偉丞相阿珠南攻襄陽江陵諸郡以偏裨隸麾下軍

行至安陽灘宋騎直前突陣貝降躍馬出陣前引弓斃數人

宋騎稍卻復率眾戰敗之至元五年圍襄樊戰有功十一年

從阿珠渡江水陸遇敵先登陷陣勇冠一軍宋平以功授江
浙省理問官時事方草創省臣有所建白及事須奏聞者以
貝降善敷奏數令馳驛往咨於朝及引見世祖遙識之喜曰
黑髯使臣復來耶其見器重如此二十七年遷江西行尙書
省都鎮撫適獠擾邊從丞相孟古岱討定之二十九年遷
慶元路治中歲大饑狀累上行省不報貝降躬詣行省力請
得發粟四萬石民賴以全元貞間兩浙鹽運司同知范某陰
賊爲姦侵暴細民人咸側目貝降至官置范於刑時論多焉
大德元年遷浙東廉訪副使令行禁止豪強懾伏同寅有貪
穢者卽抗章劾免之後轉工部侍郎賜侍燕服一襲升工部
尙書有能聲至大二年仁宗爲皇太子奉皇太后避暑五臺
貝降供給道路無有關遺比至都改資國院使母徐氏卒遂

奔喪於杭時酒禁方嚴帝特命以酒十罌官給傳至墓所以備奠禮初徐氏盛年守節教子甚嚴比貝降貴特旌其門貝降居喪盡禮延祐二年卒於家贈資政大夫江浙左丞諡貞

惠元
史元

張立道字顯卿其先陳留人後徙大名父善登金進士第歲壬辰國兵下河南以策干太弟圖類命爲筆且齊立道年十七以父任備宿衛世祖卽位立道從北征未嘗去左右至元四年奉使西夏以幹敏稱皇子和克齊封雲南王往鎮其地命立道爲王府文學立道勸王務農以厚民卽署立道大理等處勸農官兼領屯田事佩銀符尋使安南定歲貢之禮雲南三十七部都元帥寶赫鼎專制日久有竊據之志忌和克齊來爲王設宴置毒酒且賂王相府官無泄其事立道聞之

趨入見守門者拒之立道怒與爭王聞其聲使召之乃得入

為王言之王引其手使探口中肉已腐矣是夕王薨寶赫鼎

遂據王座使人諷王妃索王印立道潛結義士得十三人約

共討賊刺臂血和金屑飲之推一人走京師告變案續通志云世祖紀

賈植發其事豈走京師告變者禎即其人歟事既露寶赫鼎囚立道將殺之人匠

提舉張忠者燕人也於立道為族兄結壯土夜劫諸獄共亡

至土番界遇帝所遣御史大夫博爾歡王傅必圖博爾歡傳作吏部尙

書拜特穆爾與告變人俱來二人者遂與立道俱還按寶赫鼎及

王府官嘗受賂者皆伏誅有旨召立道等入朝問王薨狀帝

歔歔久之曰汝等為我家事甚勞苦今欲事朕乎事太子乎

事安西王乎惟汝意所向立道等奏願留事陛下於是賜立

道金五十兩以旌其忠張忠等亦皆授官有差案續通志云以上世祖紀

作至元八年事

八年復使安南宣建國號詔立道並黑水跨雲南以

至其國歲貢之禮遂定十年領大司農事中書以立道熟於

雲南奏授大理等處巡行勸農使佩金符其地有昆明池介

碧雞金馬間環五百餘里夏潦暴至必冒城郭立道求泉源

所自出役丁夫二千人治之洩其水得壤地萬餘頃皆爲良

田爨斲人雖知蠶桑而未得其法立道始教之飼養收利十

倍於舊雲南人由是益富庶羅羅諸山蠻慕之相率來降收

其地悉爲郡縣十五年除中慶路總管佩虎符先是雲南未

知尊孔子祀王逸少爲先師立道首建廟學擇蜀士之賢者

迎爲弟子師歲時率諸生行釋菜禮人習禮讓風俗稍變行

省平章賽音諤德具表言於朝有旨進官以褒之十七年入

朝力請於帝以雲南王子額森特穆爾襲王爵帝從之遂命

立道爲臨安廣西道宣撫使兼管軍招討使仍佩虎符陞辭

賜以弓矢衣服鞍馬始赴任會禾泥路首領必思反扇動諸

蠻夷亟發兵討之拔其城邑鼓行而前徇金齒甸七十城越

麻甸抵可蒲皆下之以馴象金鳳獻諸朝二十二年又籍兩

江儂土貴岑從毅案經世大典作從義至元十三年與李維屏俱降李維屏所戶部

二十五萬有奇歸有司遷臨安廣西道軍民宣撫使復創廟

學於建水路書清白之訓於公廨以警貪墨風化大行入朝

值權臣用事遂退居散地條陳十二策皆切當世之務帝嘉

納焉二十七年武平地陷人民震驚命立道爲本路總管案武

平原作北京攷錢大昕元史攷異云至元二十五年改北京

爲武平路傳繫以舊名非也世祖紀至元二十八年以武平

路總管張立道爲禮部尚書謹據改未行安南世子陳日燇遣其臣嚴仲羅陳

子良等詣京師告襲爵先是其國主陳日煊累召不至僅遣

其族父遺愛入貢朝廷因封爲安南王遺愛還日煊陰害之遣使問罪不受命遂遣將討之失利而還帝怒欲再發兵丞相諤勒哲平章博果密言蠻夷小邦不足勞中國張立道嘗再使安南有功今復使往宜無不奉命帝召至諭之立道對曰君父之命雖蹈水火不敢辭臣愚恐不足專任乞重臣之人與俱臣爲之副帝曰卿朕腹心臣使一人居卿上必敗卿謀遂授禮部尙書佩三珠虎符賜衣段金鞍弓矢以行至安南界謂郊勞者曰謂爾世子當出郭迎詔日燇率屬焚香伏謁道左旣抵府日燇拜跪聽詔如禮立道傳上命數其罪爲書曉之日燇曰此三世辱公使公大國之卿小國之師也何以教我立道曰昔鎮南王奉詞致討汝非能勝之也由其不

用嚮導率眾深入不見一人遲疑而還曾未出險風雨驟至

弓矢盡壞眾不戰而自潰天子亦既知之汝所恃者山海之險瘴厲之惡耳且雲南與嶺南之人習俗同而技力等今發而用之繼以北方之勁卒汝復能抗哉汝戰不利不過遁入海中島夷乘釁必來寇抄汝汝食少不能支必爲彼屈汝爲其臣孰若爲天子臣乎今海上諸夷歲貢於汝者亦畏我大國之爾與也聖天子有德於汝甚厚前之師殊非上意邊將讒汝爾汝曾不悟不能遣一介之使謝罪請命輒稱兵抗拒逐我使人以怒我大國之師今禍且至矣惟世子計之日燔拜且泣曰公言良是天子使公來必能活我北面再拜誓死不敢忘天子德遂迎立道入出奇寶爲賄立道一無所受但要日燔入朝日燔曰貪生畏死人之常情誠有詔貸以不死臣將何辭乃先遣其臣阮代之何惟嚴等隨立道上表謝罪

修歲貢之禮如初且言所以願朝之意廷臣有害其功者以

為必先朝而後赦日燭懼卒不至議者惜之二十八年奉使

接行兩浙尋為四川南道宣慰使遷陝西漢中道肅政廉訪

使三十年皇曾孫薩克繖封梁王出鎮雲南大德二年廷議

求舊臣可為梁王輔者立道以陝西行臺御史拜雲南行省

叅政視事期月卒立道凡三使安南官雲南最久土人德之

為立祠廟善闡案續通志云原作鄯善城西立道所著詩文

有效古集平蜀總論安南錄雲南風土記六詔通說若干卷

子元雲南行省左右司郎中元史

朱文英開州人至元四年知平鄉縣下車園吏以常例供菜

茹文英曰昔公儀拔葵且云不可奪園夫之利况受其供乎

遣之嘗謂治民如牧羊豺狼不驅欲羊之蕃息難矣乃罷革

里正行用信牌催納月課契外一切無征七年奉命開南和之澧河將通漕運文英相視地形曰此濡濕之地農事方殷

安可奪有用之功以興無益之務乎言之總府遂罷役

開州志

劉珪字禹卿其先行唐人金季喪亂徙居大名父官按察簽事有俊才珪學問博瞻孝稱於鄉至元十一年薦爲大理署丞以清慎自矢執法不阿十五年改授承直郎判大名府事三年佐郡多善政例當調百姓請留又三年始移襄陽秩滿授奉訓大夫知深州事以興學勸農爲務摧強扶弱廉儉自勵臺憲知其能別郡疑獄悉委之決尋改奉議大夫都漕運副使審知衛輝河倉七界不運令首爲轉輸守者脫於淹滯立石頌德大德元年資陞朝列大夫順德等處鐵冶都提舉均役裕課逋復業者五百戶秩滿得代民立碑誌思六年

遷中議大夫德安等處軍民總管開屯田壯兵餉在任六年

朝廷倚之至大二年卒年六十有九

大名縣志

烏克遜澤

續通志作烏爾古澤

字潤甫臨潢人其先女真烏克遜部因

以爲氏祖壁仕金爲明威將軍資用庫使從金主遷汴汴城陷徙居大名父仲倜儻有奇節遭金季世憤無所施遂縱酒作狂以自晦然教澤特嚴澤性剛毅讀書舉大略才幹過人世祖將取江南澤以選輸鈔至淮南餉軍丞相阿珠奇之補淮東大都督府掾至元十四年元帥索多下兵閩越見澤與語而合辟元帥府提控案牘時宋廣王據福州改元炎興其將張世傑攻泉州興化守臣陳瓚舉郡應之文天祥置都督府於南劔州守臣張清行都督府事謀復建甯閩中郡縣往往復從宋索多時軍浙東信州告急謀於眾曰我軍當何先

澤曰彼據閩廣而我往浙右非策之善譬之伐木務除其根
當先向南遂度兵閩關入戰而至南劔殺其守臣張清宋師
遂退冬十月收福州進攻興化拔之索多怒其民反復下令
屠城澤諫曰世傑不虞我軍遽至方急攻泉州旦暮且失守
若出興化遺民使走泉南扇動之彼將落膽而潰是不戰而
完泉州捷於吾兵之馳救也索多喜開南門縱民去因得脫
死者甚眾世傑得逃民知興化已破乃解泉州圍去明年索
多自廣州還擊潮州守將馬發備禦甚固澤曰潮人所以城
于不下者以外多壁壘爲之援也第剪其外應潮必覆矣乃
分兵攻大壘破之餘壘盡散遂拔潮馬發死焉命知興化軍
爲路授澤行總管府事民歌舞迎候於道曰是吾民復生之
父母也郡新殘於兵白骨在野首下令掩埋之又衣食其流

離之民有棄子於道者置慈幼曹籍而撫育之郡中惡年少

喜以資竄名卒伍冀後得計功版授官吏恐激變不敢詰澤

悉追毀所授誅其尤無良者貪暴始戢始陳瓚以郡應張世

傑民多戰死者至是吏援例將籍其產澤語吏曰國家至仁

誅止陳瓚從瓚者猶蒙宥民奈何連坐亟爲令曰民不幸註

誤從陳瓚誅及鬪死無後者其田廬貲產並給其族姻有司

無所與吏不能逆乃止當江南未定民自相什伍保衛鄉里

及時平行省議籍爲兵澤白行省曰國兵非少今籍民以示

少非所以安反測也且當籍者眾民或有他心議遂格澤又

興學校召長老及諸生講肄經義行鄉飲酒禮士知嚮慕肖

澤像祠於學宮至元二十一年調永州路判官湖廣平章政

事約蘇穆爾貪縱淫虐誅求無厭有使至永澤戒吏美供帳

豐酒食務順適其意使者感愧無所發其毒因聞以利害曉
之一郡由是獲安是歲盜起寶慶武岡澤討平之俘獲五百
餘人出誑誤者百有五十人上書言狀誅其首惡者三十一
人餘得減死二十六年丞相僧格建議考校錢穀天下騷動
澤歎曰民不堪命矣卽自上計行省約蘇穆爾怒曰郡國錢
糧無不增者永州何獨不然此直府判倚其才辨慢我亟拘
繫之非死不釋也二十八年案續通志云原傳蒙上二十六年作明年今據世祖紀及僧格
傳改僧格敗約蘇穆爾伏誅澤始得釋二十九年湖廣平章
政事奇爾濟蘇薦澤才堪將帥以行省員外郎從征海南黎
黎人平軍還授廣西兩江道宣慰副使僉都元帥府事兩江
荒遠與百蠻接不知禮法澤作司規三十有二章以漸爲教
民至今尊守之又省廐置二十二所以紓民力歲飢上言蠲

其租發象州賀州官粟三千五百石以賑饑者既發乃上其事邕管徼外蠻數爲寇澤循行得阨塞處布畫遠邇募民伉健者四千六百餘戶置雷那扶十七屯列營堡以守陂水墾田築八場以節漭洩得稻田歲收穀爲軍儲邊民賴之海北元帥蘇察罕賊利事覺行省檄澤驗治澤馳至雷州盡發其奸賊縱所略男女四百八十二口牛數千頭金銀器物稱是海北之民欣忭相慶御史臺言烏克遜澤奉使知大體如汲長孺爲將計萬全如趙充國可屬大任詔擢爲海北海南廉訪使故例圭田至秋乃入租後遂計月授之澤視三月民輸租計米五百石澤曰夫子有言事君者先其事後其食吾泣政日淺而受祿四倍非情所安量食而入餘悉委學官給諸生以勸業常曰士非儉無以養廉非廉無以養德身一布袍

數年妻子朴素無華人皆言之澤不以爲意也雷州地近海
潮汐蓄其東南陂塘鹹農病焉而西北廣衍平表宜爲陂塘
澤行視城陰曰三溪徒走海而不以灌溉此史起所以薄西
門豹也乃教民浚故湖築大隄塌三溪潴之爲斗門七隄塌
六以制其羸耗釀爲渠二十有四以達其注輸渠皆支別爲
牖設守視者時其啟閉計得良田數千頃濱海廣瀉並爲膏
土民歌之曰烏鹵爲田兮孫父之教渠之泱泱兮長我秔稻
自今有生兮無旱無潦至大元年改福建廉訪使澤宿有德
於閩閩人安之以母年踰八十求歸養長沙歲餘母喪澤以
哀毀卒妻杜以夫死飲食不入口者十有三日不死乃復食
澤積官自承直郎至中大夫諡正憲子良楨字幹卿資器絕
人好讀書至治二年以廕補江陰州判官尋丁內艱服除調

婺州武義縣尹有惠政改漳州路推官獄有疑者悉平反之
上言律徒者不杖今杖而又徒非恤刑意宜加徒減杖遂定
爲令移泉州轉延平判官拜陝西行臺監察御史劾遼陽行
省左丞相達實特穆爾賣國不忠援漢高帝斬丁公故事以
明人臣大義并劾御史中丞胡居祐奸邪皆罷之中外震懾
升都事以言不盡行解去復起爲監察御史疏言天厯數年
間紀綱大壞元氣傷夷天祐聖明入膺大統而西宮秉政奸
臣弄權畜憾十有餘年天威一怒陰晦開明以正大名以章
大孝此誠兢兢業業祈天永命之秋其術在乎敬身修德而
已今經筵多領以職事臣數日以進講不踰數刻已罷而替
御小臣恒侍左右何益於盛德哉臣願招延儒臣若許衡者
數人寘於禁密常以唐虞三代之道啟沃宸衷日新其德實

萬世無疆之福也又以國俗父母死無憂制遂言綱常皆出於天而不可變議法之吏乃言國人不拘此例諸國人各從本俗是漢南人當守綱常國人諸國人不必守綱常也名曰優之實則陷之外若尊之內實侮之推其本心所以待國人不若漢南人之厚也請下禮官有司及右科進士在朝者會議自天子至於庶人皆從禮制以成列聖未遑之典明萬世不易之道又言隱士劉因道學經術可比許文正公衡從祀孔子廟庭皆不報御史臺作新風憲復疏其所當行者以舉賢才爲綱而以厚風俗均賦役重審理汰冗官選守令出奉使均公田爲目指擿剗切雖觸忌諱亦不顧也宦者哈沙嬖妾殺其妻糜其肉飼犬上疏乞正重刑并論宦寺結廷臣撓政爲害可汰黜之儉佞側目至正四年召爲刑部員外郎

轉御史臺都事五年改中書左司都事出爲江東道肅政廉
訪司副使上官一日辭歸八年復召爲右司員外郎九年升
郎中尋遷廣東道肅政廉訪使未行還爲郎中遷福建道肅
政廉訪使中道召還參議中書省事兼經筵官十一年拜治
書侍御史升中書參知政事同知經筵事十三年升左丞兼
大司農卿仍同知經筵事時中書參用非人事多異同不得
一一如志會軍餉不給請與右丞烏蘭哈達主屯田歲入二
十萬石帝在上都始冊皇太子立詹事院驛召爲副詹事每
直端本堂則進正心誠意之說親君子遠小人之道皇太子
嘉納焉當時盜賊蠶起帝聞惡之下詔分討必盡誅而後已
良楨言平賊在收人心以回天意多殺非道也乃赦以安之
十四年遷淮南行省左丞初泰州賊張士誠旣降復叛太師

托克托總諸王軍南征良楨泊參議龔伯遂

案原本及續通志作龔伯遂

等從之既平六合垂克高郵會詔罷托克托兵柄遂有上變

告伯遂等勸托克托勒兵北向者下其事逮問詞連良楨簿

對無所驗卽以中書左丞分省彰德主調軍食居半歲仍還

中書十六年進階榮祿大夫賜玉帶一十七年除大司農明

年升右丞

案元史攷證云宰相年表良楨自十三年起至十七年止終於左丞無升右丞之事又案順帝本紀

八年議團結西山寨特命右丞達實特穆爾左丞烏克遜良楨總行提調是十八年尙爲左丞與年表及此處俱不合

兼大司農辭不允論罷陷賊延坐之令有惡少年誣知宜興

州張復通賊中書將籍其犖吏抱案請署良楨曰手可斷案

不可署同列變色卒不署良楨自左曹登政府多所建白罷

福建山東食鹽浙東西長生牛租瀕海被災圍田稅民皆德

之嘗論至正格輕重不論吏得並緣爲奸舉明律者數人參

酌古今重定律書書成而罷家居輒訓諸子曰吾無過人者

惟待人以誠人亦以誠遇我汝宜誌之晚歲病瘠數謁告病

益侵遂卒自號約齋有詩文奏議若干卷

元史

張淳南樂人志趨高邁以著述名至元中以遼陽提舉徵不

就有四書拾遺行世

南樂縣志

盧克治開州人知漢陽府時郡縣新附人心惶懼克治宣布

上德撫慰綏輯一郡向化

湖北通志

李茂大名人徙家揚州父興壽臨卒語茂曰吾病且死爾善

事母茂泣受命奉母益謹母嘗病目失明茂禱於泰安山三

年復明又願母壽每夕祝天乞損己年益母算果年八十四

卒居喪哀慟聞者傷之大德九年揚州再火延燒千餘家火

及茂廬皆風返而滅事聞旌之

元史

元善大名人父有昆弟五人因貧流散江淮久之遂客死至
大四年善往尋其骸骨並迎弟姪等一十五喪而歸改葬祖
父母以諸喪序列祔於塋次有司以聞旌其家

同上

劉天孚字裕民大名人由中書譯史爲東平總管府判官改
都漕運司判官知冠州再知許州所至有治績時檢核屯田
臨潁鄧艾口民稻田三百頃有欲害之者指爲右屯陳於中
書請復築之天孚按實爲辨其非章數土乃止襄城與葉縣
接壤南爲湛河襄城民食滄鹽葉縣民食解鹽刻石河南岸
爲界葉縣令有貪者陰徙石於北二里誣其民貪私鹽繫治
百餘家兩縣鬪不已天孚爲考其原界移石故處而葉縣令
被罪去歲旱蝗天孚令民出捕俄羣鳥來啄蝗爲盡明年麥
熟時有青蟲如蝨食麥人無可奈何忽生大蟲盡嚼之許人

立碑頌其事轉萬億寶源庫同提舉遷江西行省左右司郎

中以母老不赴延祐中知河中府視事元史甫兩月會周王寶

實拉出鎮雲南道經陝西行省丞相阿斯罕意不平謀舉兵

向關先入河中續通志時事起不虞天孚日夜治戰守具選丁

壯分守要害令河東縣達嚕嚕齊托音圖原作脫因都守大慶關

津口盡收船舫東岸令判官孫拜特穆爾原作孫作帖木兒守汾陰

推官程謙守禹門河東縣尹王文義守風陵等渡阿斯罕軍

列柵河西岸使來索舟天孚度不能拒凡八遣人至晉甯乞

援兵不報居七日阿斯罕縛筏河上欲縱火屠城同知特爾

格與河東廉訪副使明安岱爾見事急且患城中人逼乃詣

阿斯罕軍阿斯罕囚之而斂船濟兵兵入城阿斯罕以扼河

渡鎖舟楫為天孚罪欲脅使附己方坐府治號令諸軍天孚

佩刀直前眾遏之不得進退謂幕僚王從善等曰吾家本微
賤荷朝命至此今不幸遭大變何忍從逆而負上恩哉且與
其辱於逆賊之手吾甯蹈河以死遂拂衣出時天寒河冰方
堅天孚拔所佩刀砍冰開北望再拜已脫衣帽岸澣投水中
死事平詔其弟天惠給驛歸其柩葬於大名贈推誠秉節功
臣中奉大夫河東山西道宣慰使護軍彭城郡侯諡忠毅元史
張積字景龍魏縣人大父追生以儒行稱積生而雄健聰秀
過人父性嚴厲教以規矩準繩積循循不失尺寸稍長識學
於經國體制一覽得其要領後遊京師值丞相帖木兒普化
知樞密事見積卓越不羣擢司印職數見白事非他儕等延
祐三年除承仕郎本院承發照磨兼管旬未幾丁憂積哀毀
幾喪明不茹葷酒不踐生菑服除泰定改元注爲通濟監支

納官進承德郎二紀考最選爲和甯路兵馬司兵馬踰年以病乞還民涕泣留行病愈起朝列大夫桃源州知州以疾卒

年六十有六

大名縣志

蓋苗字耘夫大名元城人幼聰敏好學善記誦及弱冠遊學四方藝業大進延祐五年登進士第授濟甯路單州判官州多繫囚苗請疏決之知州以爲囚數已上部使者未報不可決苗曰設使者有問請身任其責知州乃勉從之使者果闕牘而去歲饑郡府遣苗至戶部請賑戶部難之苗伏中書堂下出糠餅以示曰濟甯民率食此况不得此食者尤多豈可坐視不救乎因泣下於是凡被災者咸獲賑焉有官粟五百石陳腐借諸民期秋熟還官及秋郡責償甚急部使者將責知州苗曰官粟實苗所貰今民饑不能償苗請代還使者乃

已單州稅糧歲輸館陶倉距單五百餘里載馱擔負民甚苦
之是秋館陶大熟苗先期令民糴粟倉下得省民力之半辟
御史臺掾除山東廉訪司經歷歷禮部主事擢江南行臺監
察御史建言嚴武備以備不虞簡兵卒以壯國勢全功臣以
隆大體惜官爵以清銓選考實行以抑奔競明賞罰以杜姦
欺計利害以孚民情去民賊以崇禮節皆切於時務公論驥
之天厯初文宗詔以建康潛邸爲佛寺毀民居七十餘家命
御史大夫督其役苗上封事曰臣聞使民以時使臣以禮自
古未有不由斯道而致隆平者陛下龍潛建業之時居民困
於供給幸而獲覩今日之運百姓跂足舉首以望非常之恩
今奪農時以剏佛寺又費民居使之家破產蕩豈聖人御天
下之道乎昔漢高帝興於豐沛爲復兩縣光武中興南陽免

稅三年既不務此而隆重佛寺何以滿斯民之望哉且佛以

慈悲爲心方便爲教今尊佛寺而害生民無乃違其方便之

教于臺臣職專糾察表正百司今乃委以修繕之役豈其理

哉書奏免御史大夫督役

案續通志云虞集龍翔集慶寺碑御史中丞趙世安承稟於內行御

史中丞相繼率其屬以蒞之則

是未嘗免督役也與本傳異入爲監察御史帝幸護國仁

王寺泛舟玉泉苗進曰今頻年不登邊隅不靖正當恐懼修

省何暇逸遊以臨不測之淵乎帝嘉納之卽日還宮臺臣擬

苗僉淮東廉訪司事帝曰仍留蓋御史朕欲聞其讜言以丁

外艱去免喪除太禧宗禋院都事中書檄苗行視河道還言

河口淤塞今苟不治後日必爲中原大患都水監難之事遂

寢後至元元年用薦者知亳州修學宮完州解有豪強占民

田爲已業民五十餘人訴於苗苗訊治之豪民引服四年起

爲左司郎都事僅十八日凡決數百事丁內憂宰相惜其去重賻之至正二年起爲戶部郎中擢爲御史臺都事御史大夫欲以故人居言路苗曰非其才也大夫不悅而起晚邀至私第以謝人兩賢之出爲山東廉訪副使益都淄萊地舊稱產金朝廷建一府六所綜其事民歲買金以輸官或忤長吏意輒謂其居有金礦掘地及泉而後止猾吏爲奸利莫敢誰何苗奏罷之三年入爲戶部侍郎四年由都水監遷刑部尙書初盜殺河南省臣延坐五百餘家已有詔止誅首罪至是宰臣追復欲盡誅苗堅守持不可御史取具獄苗曰肆赦復殺在法所無御史獨宜劾苗其敢累朝廷之寬仁乎乃卒如苗議出爲山東廉訪使民饑爲盜所在羣聚乃上救荒弭盜十二事劾宣慰使猷骸不法者有司援例欲徵苗所得職田

苗曰年荒民困吾無以救尙忍征斂以肥已耶輒命已之召參議中書省事五年出爲陝西行臺侍御史遷陝西行省參知政事六年復人爲治書侍御史升都御史尋拜中書參知政事同知經筵事大臣以兩京馳道狹隘奏毀民田廬廣之已遣使督治苗言馳道創自至元初何今日獨爲隘乎力辨乃罷又欲出宿衛士爲郡長官俾資養贍苗曰郡長所以牧民豈養貧之地果有不能自存賜予之可也若任郡寄必擇賢才而後可議遂寢又欲以鈔萬貫與角觝者苗曰諸處告饑不蒙賑恤力戲何功獲此重賞乎僉四川廉訪司事家人違例收職田奉使宣撫直坐其主宰臣命奉使卽行遣苗請付法司詳議勿使憲司以爲口實時相謂曰蓋君每事相抗今後有公務毋白參政苗歎曰猥以非才待罪執政中書之

事皆當與聞今宰相言若此不退何俟有旨拜江南行臺御史中丞比至卽除甘肅行省左丞時苗已致仕去復趣赴任苗昇疾就道至鎮卽上言西土諸王爲國屏藩賜賚雖有常制而有司牽於文法遂使恩澤不以時及非隆親厚本之意又言甘肅每歲中糧姦弊百端請以糧鈔兼給則軍民咸利矣朝廷從之遷陝西行御史臺中丞到官數日卽疏乞骸骨還里明年卒年五十八贈摠誠贊治功臣中書左丞上護軍追封魏國公謚文獻苗學術淳正性孝友喜施與置義田以贍宗族平居恂恂謙謹及至遇事張目敢言雖經剝折無少回撓有古遺直之風焉

元史

劉健魏縣人通五經博學能文尤長於周易延祐第進士授彰德府錄事遠近推其學行從遊者眾一時名士多出其門

祀鄉賢大名府志

李好文字惟中大名東明人登至治元年進士第授大名路

濬州判官入為翰林國史院編修官國子助教泰定四年除

太常博士會盜竊太廟神主好文言在禮神主當以木為之

金玉祭器宜貯別室又言祖宗建國以來每遇大禮皆臨時

取具博士不過循故事應答而已往年有詔集禮乃令各郡

縣置局纂修宜其久不成也禮樂自朝廷出郡縣何有哉乃

白院長選僚屬數人出架閣文牘以資採錄三年書成凡五

十一卷案元史攷證云好文自撰太常集禮稿序云為編目者郊祀九社稷三宗廟二十有一輿服二樂七諸神

祀三諸臣請諡及官制因革典籍錄六合五十一卷原本脫一字名曰太常集禮遷國子博

士元史順帝祭太廟乘馬至裏橋無敢至者好文膝行阻橋曰

請皇帝下馬帝如其言特授禮儀院史王逢梧丁內憂服闋

起爲國子監丞拜監察御史時復以至元紀元好文言年號
襲舊於古未聞襲其名而不蹈其實未見其益因言時政不
如至元者十餘事錄囚河東有李巴拜者殺人凡十四年不
決好文曰豈有不決之獄如是其久乎立出之王傅額森都
呼續通志作以足蹋人死眾曰殺人非刃當杖之好文曰怙

薩都拉

勢殺人甚於用刃竟置之死河東爲之震肅出僉河南浙江

兩道廉訪司事六年帝親享太室召僉太常禮儀院事至正

元年除國子祭酒

元史

從容語帝宜躬祀孔子帝敬納之會上

丁夜有中丞屏驕從入禮殿弟子員誤遏之翼旦督刑曹問
所遏者一監騷然好文曰中丞弗原其誤乃欲施鞭刑耶遂
解印丞相以聞中丞詣謝乃已

梧溪集

改陝西行臺治書侍御

史遷河東道廉訪使三年郊祀召爲同知太常禮儀院事帝

親祀至甯宗室遣阿嚕問曰兄拜弟可乎好文與博士劉聞
對曰爲人後者爲之子帝遂拜由是每親祀必命好文攝禮
儀使四年除江南行臺治書侍御史未行改禮部尙書與修
遼金宋史除治書侍御史仍與史事俄除參議中書省事視
事十日以史事故仍爲治書已而復除陝西行臺治書侍御
史時臺臣皆缺好文獨署臺事西蜀奉使者以私憾摭拾廉
訪使曾文博僉事烏瑪喇王武事文博死烏瑪喇誣服惟武
不屈以輕侮抵罪好文曰奉使代天子行事當問民疾苦黜
陟邪正今行省以下至於郡縣未聞舉劾一人獨風憲一司
無一免者此豈正大之體乎率御史力辨武等之枉并言奉
使不法者十餘事

案錢大昕元史攷異云王守誠傳言初四
川廉訪使禁與行省平章某不相能誣宣

使蘇伯延行賄于平章某瘞死獄中至是伯延親屬有愬會
茶監轉運司官亦訟廉訪使累受金廉訪使倉皇去官至揚

州死副使以下皆以事罷憲史四人奉差一人籍其家而竄之餘皆斥去卽好文所云風憲之司無一免者也彼傳稱其風采聳動天下論功爲諸道最而此傳言其私憾摭拾人罪并諸不法事褒貶互異

六年除翰林侍講

學士兼國子祭酒又遷改集賢侍講學士仍兼祭酒九年除

參湖廣行省政事改湖北道廉訪使尋召爲太常禮儀院使

詔開端本堂命皇太子入學好文以翰林學士兼諭德好文

辭上書宰相曰三代聖王莫不以教世子爲先務蓋帝王之

治本於道聖賢之道存於經而傳經期於明道出治在於爲

學關係至重要在得人自非德堪範模則不足以輔成德性

自非學臻闡奧則不足以啟迪聰明宜求道德之鴻儒仰成

國家之盛事好文天資本下人望素輕草野之習而久與性

成章句之學而寢以事廢驟膺重託負荷誠難必別加選掄

庶幾國家有得人之助而好文免妨賢之譏丞相以其書聞

帝嘉歎之而不允其辭好文言欲求二帝三王之道必由於孔氏其書則孝經大學論語孟子中庸乃擇其要略釋以經文更取史傳及先儒論說有關治體而協經旨者加以所見倣真德秀大學衍義之例爲書十一卷名曰端本堂經訓要義奉表以進帝令太子習焉好文又集歷代帝王故事總百有六篇一曰聖慧如漢孝昭後漢明帝幼敏之類二曰孝友如舜文王及唐元宗友愛之類三曰恭儉如漢文帝卻千里馬罷露臺之類四曰聖學如殷宗緝學及陳隋諸君不善學之類以爲太子問安餘暇之助又取古史自三皇迄金宋歷代授受國祚久速治亂興廢爲書曰大寶錄又取前代帝王是非善惡所當法當戒者爲書名曰大寶龜鑑皆錄以進焉久之升翰林學士承旨階榮祿大夫十六年復上書皇太子

其言曰臣之所言即前日所進經典之大意也殿下宜以所
進諸書叅以貞觀正要大學衍義等篇果能一一推而行之
則太平之治不難致矣皇太子深敬禮而嘉納之後屢引年
乞致仕辭至再三遂拜光祿大夫河南行省平章政事仍以
翰林學士承旨一品祿終其身

元史

郭嘉字元禮濮陽人祖昂父惠俱以戰功顯

案錢大昕元史攷異云列傳第

五十二卷有郭昂官廣東宣慰使子惠江西廉訪僉事當卽嘉之祖與父也彼傳稱彰德林州人此云濮陽人籍貫小異

嘉慷慨有大志由國子生登泰定三年進士第授彰德路林
州判官累遷翰林國史院編修官除廣東道宣慰使司都元
帥府經歷未幾入爲京畿漕運使司副使尋拜監察御史會
朝廷以海寇起欲於浙東温台慶元等路立水軍萬戶鎮之
擢嘉禮部員外郎乘驛至慶元與江浙行省會議可否嘉至

首詢父老知弗便請罷之授廣甯路總管兼諸鄂囉勸農防禦屬盜起軍旅數興供餉無虛日民苦和糴轉輸嘉設法計其戶口第其甲乙民甚便之詔團結義兵嘉招集民數千教以坐作進退萬千百夫各統以長號令齊一賞罰明信東方諸郡錢糧之富甲兵之精稱嘉爲最至正十八年寇陷上京嘉聞之率兵出禦遼陽陷嘉將眾巡邏去城十五里遇青號隊五百餘人紿言官軍嘉知其詐出馬射賊分兵兩隊夾攻之生擒賊數百死者無算嘉見賊勢日熾孤城無援乃集同官議攻守計眾皆失措嘉曰吾計決矣因竭家衣服財物犒義士勵其勇且日盡忠吾分內事也况身守此土當生死依之餘不足恤頃之賊至圍城數十里呼嘉出降嘉挽弓射呼者中其左頰墮馬死賊稍引退嘉開西門逐之賊大至力戰

以死事聞贈崇化宣力効忠功臣資善大夫河南江北等處
行省左丞上護軍封太原郡公諡忠烈元史

高昉元城人泰定中累官湖廣行省平章時兩江黃岑二族

爲患昉謂遐荒之人撫則治擾則亂請部使者諭之果相率

效順朝廷賜玉帶以酬其功卒諡文貞

明一統志

巴延一名師聖字宗道哈喇婁氏

續通志作哈爾努特氏

隸軍儲蒙古

萬戶府世居開州濮陽縣生三歲常以指畫地或三或六若

爲卦者六歲從里師授孝經論語卽成誦早喪父其兄庫春

購經傳等書資之日夜誦不輟稍長受業建安黃坦坦曰此

子穎悟過人非諸生比因命爲巴延氏且名而字之焉久之

坦辭曰余不能爲爾師羣經有朱子說且在歸而求之可也

巴延自弱冠卽以斯文爲己任其於大經大法粲然有觀而

心所自得每出於言意之表學者相質難隨問隨辨或解其惑而去於是從遊日眾至正四年以隱士徵至京師授翰林待制預修金史既畢辭歸已而復起爲江西廉訪僉事數月以病免及回四方之來學者至千餘人其爲學務眞知力踐不屑事舉子詞章士出其門不問而知爲巴延學者十八年河南賊蔓延河北巴延言於省臣將結鄉民爲什伍以自保而賊兵大至巴延渡漳北行邦人從之者數十萬家至磁與賊遇賊知其名生劫之不屈引領受刃與妻子俱遇害年六十有四旣死賊羣剖其腹見其心數孔曰古稱聖人心有七竅此非賢士乎乃納心於腹中覆牆拚之有司上其事贈奉議大夫僉太常禮儀院事諡文節太常諡議曰以城守論之巴延無城守之責而死可與江州守李黼一律以風紀論之

巴延無在官之責而死可與西臺御史張桓並駕以平生有
用之學成臨義不奪之節乃古之所謂君子人者時以爲確

論巴延平生修輯六經多所著述皆毀於兵

元史

尼雅斯拉鼎

原作納
連刺丁

字士瞻父瑪哈穆特

原作馬
合尤

從征襄陽

以勞擢濬州達嚕噶齊因家大名尼雅斯拉鼎起身鄉貢進

士補淮東廉訪司書吏丁母憂服闋補兩浙鹽運司掾復辟

掾淮東宣慰司至正十年賊發眞州尼雅斯拉鼎以民兵往

襲之獲賊四十二人泰州賊起鎮南王府宣慰司請參議軍

事尼雅斯拉鼎建議築四城立外塞建隄穿河募兵與賊抗

行省檄其提戰艦巡江且護蒙古軍五百往江甯道遇賊斬

擊二百餘級生擒十八人抵龍潭而還未幾出邏江上賊馳

船來鬪尼雅斯拉鼎射殺三十賊奪放火小船二百賊遁走

俄復據龍潭口又擊走之追斬三百餘級其子寶通原作寶童擒

首賊陳亞虎等及其號旗捷聞賞賚有加召尼雅斯拉鼎還

真州賊犯蕪湖南行臺檄使來援乃以兵赴及至賊船已薄

岸遂三分戰艦縱擊之賊奔潰俘斬甚眾因留守蕪湖江口

泰州李二作亂移捍高郵得勝湖賊船乘風來攻擊敗之其

黨張士誠殺李二復為亂襲高郵屯軍東門尼雅斯拉鼎以

舟師會真滁諸軍討之距三塚鎮賊眾猝至尼雅斯拉鼎麾

兵剉其鋒後賊鼓譟進更發火箭火鏃射之死者蔽流而下

賊繚船於背盡力來攻諸官軍皆遁尼雅斯拉鼎以死自誓

謂其三子寶通海瑠丹原作海魯丁錫卜沙魯原作西山驢曰汝輩可

脫走三子不肯去皆死之事聞追贈淮西元帥府經歷元史

卞琛大名人家世力農早游學京師得補國子生既而丁母

憂治農於家至正十二年鄰郡盜起剽掠至境琛與從子小
十府史李仲亨等協謀統丁壯數百人擊賊丁壯皆民兵無
弓矢直以鉤鋸白梃當賊賊矢雨集琛眾潰散被擒仲亨小
十皆死賊素知琛名謂曰從我解汝縛不從殺汝琛唾罵曰
我國子生也視汝輩真狗彘耳吾甯義死不從賊生罵不止

遂見殺

元史

李從善元城人至正間爲太常禮儀院判征西夏有功賜虎

符世守大名卒贈太師追封魏國公

明一統志

楊崇喜國子生本唐兀氏博學好義至正末中原多事兵食
方急崇喜輸米五百石草萬束助國用創建廟學養士割良

田五百畝贍之朝廷以事下中書賜名崇義書院

開州志

杜欽字敬之清豐人通經史明機務以功授兵馬都彈壓備

著勞績權開州刺史興學愛人尤留心訟獄多所平反贈亞

中大夫

大名府志

潘迪元城人博學能文歷官國子司業集賢學士所著易春

秋學庸述解及格物類編六經發蒙行世

明一統志

王賢元城人登進士第歷官福建鹽運同知累遷浙江廉訪

使清介端謹為世所稱以引年致仕壽百有十歲

同上

陳子奇南樂人官至真定路廉訪使以清節稱

大名府志

宣化府

劉敏字有功宣德青魯人

案青魯不知何地謹據一統志雍正志收入

歲壬申太

祖師次山西敏時年十二從父母避地德興禪房山兵至父

母棄敏走大將憐而收養之一日帝宴諸將於行營敏隨之

入帝見其貌偉異之召問所自俾留宿衛習國語閱二歲能

通諸部語帝嘉之賜名諤楚肯

原作玉
出干

出入禁闥初爲奉御

帝征遼西及回回國敏皆從行癸未授安撫使便宜行事兼
燕京路徵收稅課漕運鹽場僧道司天等事給西域工匠干
餘戶及山東山西兵士立兩軍戍燕置二總管府以敏從子
二人佩金符爲二府長敏總其役賜玉印佩金虎符奏佐吏
宋元爲安撫副使高逢辰爲安撫僉事各賜銀章佩金符李
臻爲參謀初耶律楚材總裁都邑契丹人居多其徒往往中
夜挾弓矢掠民財官不能禁敏戮其渠魁令諸市又豪民冒
籍良民爲奴者眾敏悉歸之選民習星厯者爲司天太史氏
興學校延名士爲之師己丑太宗卽位改造行宮幄殿乙未
城和琳建萬安宮設宮問司局立驛傳以便貢輸旣成宴賜
甚渥辛丑授行省詔敏所行有司不得與聞俄而伊囉幹齊

自西域回奏與敏同治漢民帝允其請伊囉幹齊素剛尙氣
恥不得自尊俾其屬莽噶爾原作忙誣敏以流言敏出手詔

歌兒

示之乃已帝聞之罷伊囉幹齊令敏獨任復辟李臻爲左右

司郎中臻在幕府二十年多所參贊丙午定宗卽位詔敏同
行省事辛亥憲宗卽位召赴行在所仍命與伊囉幹齊同政
甲寅請以子世亨自代帝許之賜世亨銀章佩金虎符賜名
多托爾帝諭世亨不從命者黜之又賜其子世濟名沙卜珠
丹爲筆且齊入宿衛帝伐宋幸陝右敏輿疾請見帝曰卿有
疾不召而來將有言乎敏曰臣聞天子出巡義當扈從但中
原土曠民貧勞師遠伐恐非計也帝弗納敏還退居年豐世
祖南征過年豐敏入見諭之曰我太祖勵精圖治見而知者
惟卿爾汝春秋高其彙次以爲後法未幾卒年五十九

元史

譚澄

案錢大昕元史攷異云譚資榮傳附書澄事凡二百二十餘言而又別爲澄立傳其姓皆從言旁攷世祖紀至

元十一年副元帥覃澄王懽中堂事紀亦有懷孟總管覃澄皆不作譚又交城縣萬封山石刻辛卯年中書省公據後列交城縣長官覃資榮名又濟源縣濟瀆廟有中統元年祭濟瀆碑後列懷孟州總管覃澄名又中統五年濟祠役龍簡碑文稱總管覃侯後列宣授懷孟路總管覃澄名可證資榮父子本姓覃而傳作譚者誤也

字彥清德興懷

來人資榮子澄幼襲職爲交城令年甫十九有文谷水分漑

交城田文陽郭帥專其利而堰之訟累歲不能直澄析以理

令決堰均其利豪民有持吏短長爲奸者察得其主名皆治

以法歲乙未籍民戶有司多以俘客占籍及征賦逃竄殆盡

官爲稱貸積息數倍民無以償澄入覲因中書耶律楚材面

陳其害太宗惻然爲免其逋亡民能歸者復三年詔下公私

便之壬子復大籍民澄盡削交城之不上著者賦以時集甲

寅世祖還自大理澄進見留藩府凡遣使命澄偕而以其弟

山阜代令交城時世祖以皇帝開藩京兆總天下兵中統元

年擢懷孟路總管

元史

明年入覲賜金符四年易虎符

譚資榮傳歲

旱令民鑿唐温渠引沁水溉田民用不饑教之種植地無遺

利至元二年遷河南路總管

案譚資榮傳云遷河南路總管兼府尹

改平濠路

總管七年授司農少卿出為京兆總管居一年改陝西四川

道提刑按察使建言不孝有三無後為大民年四十無子宜

聽取妾為宗祀計從之著為令四川僉省嚴忠範守成都為

宋將咎萬壽所敗退保子城世祖命澄代之至則葬暴骸修

焚室振饑貧集逋亡民心稍安會西南夷羅羅斯內附帝以

澄為副都元帥同知宣慰使司事

元史

比至諭曰皇元一視同

仁不聞遠近特置大帥安集招懷以悍外侮非利徵求于汝

也

譚資榮傳

尋以疾卒年五十八世祖嘗與太保劉秉忠論一時

牧守秉忠曰若邢之張耕懷之譚澄何憂不治哉游顯宣撫

大名嘗爲諸路總管求虎符宣麻澄至中書辭曰皇上不識

譚澄耶乃爲顯所舉中書特去之其介如此元史追封恆農郡

侯諡忠宣山西通志子克修歷湖北河南陝西三道提刑按察使

元史贈禮部尙書追封恆農郡侯諡文憲克思中山知府追封

恆農郡侯克修子忠南康府判官質兵部侍郎文河南宣慰

使克思子敬漢陽知府山西通志

楊惟中字彥誠宏州人金末以孤童子事太宗知讀書有膽

略太宗器之年二十奉命使西域三十餘國宣暢國威俾皆

籍戶口屬吏乃歸帝於是有大用意皇子庫春伐宋命惟中

於軍前行中書省事克宋棗陽光化等軍光隨郢復等州及

襄陽德安府得名士數十人收伊洛諸書送燕都立宋大儒

周惇頤祠建太極書院延儒士趙復王粹等講授其間案名臣事

略周子祠堂記云天歷初國子祠祀之禮盛于江左而未至於河朔惟中領中書始嗜其學乃建太極書院于永郡立周

子祠以二程晁楊游朱六子配食歲時釋奠之刻太極圖通書西銘于祠壁請雲夢趙復為師右北平王粹佐之選俊秀

之有器度者為學生遂通聖賢之學慨然欲以道濟天下拜中書令太

宗崩太后稱制惟中以一相負任天下定宗即位平陽道斷

事官希產原作斜徹橫恣不法詔惟中宣慰惟中按誅之金將武

仙餘黨散入太原真定間據眾剽掠詔會諸道兵討之不克

惟中諭降其渠帥餘黨悉平憲宗即位世祖以太弟鎮金蓮

川得開府專封拜乃立河南道經略司於汴梁奏惟中等為

使俾屯田唐鄧申裕嵩汝蔡息亳穎諸州劉福為河南道總

管貪鄙殘酷虐害遺民惟中至召聽約束福乘疾不至惟中

設大梃於坐復召之福不得已以數千人擁衛見惟中惟中

設大梃於坐復召之福不得已以數千人擁衛見惟中惟中

卽握大槌擊仆之數日福死

案錢大昕元史攷異云趙壁傳河南劉萬戶貪淫暴戾其黨董

主簿尤恃勢爲虐強取民女有色者三十餘人壁至按其罪立斬之劉大驚時天大雪因詣壁相勞苦且酌酒賀曰經略下車誅鉏強猾故雪爲瑞應壁曰如董主簿比者尙有其人俟盡誅之瑞應將大至矣劉屏氣不敢復出語歸臥病而卒時人以爲懼死所云劉萬戶者卽劉福也王子歲世祖立經略司於汴以忙哥史天澤楊惟中趙壁爲使惟中久當樞軸遇事能斷而壁實助之然兩傳言劉福事互異河南大治遷陝右四川宣撫使時諸

軍帥橫侈病民郭千戶者尤甚惟中戮之以徇關中肅然歲

己未世祖總統東師奏惟中爲江淮京湖南北路宣撫使俾

建行臺以先啟行宣布恩信蒙古漢軍諸帥並聽節制師還

卒於蔡州年五十五中統二年追諡曰忠肅

元史

趙瑄雲中蔚州人父昆仕金爲帥府評事兄珪以萬戶守飛

狐城歲庚午昆卒珪輦其母如蠡州留瑄於飛狐瑄自幼不

羈閑習武事癸酉太祖南伐瑄詣縣曰大兵壓境不降何待

眾從之丁丑太師國王穆呼哩駐兵桓州署爲百戶從攻蠡
州金兵閉城拒守國王裨將舒穆魯額森戰死王怒將屠其
城璿泣曰母與兄在城中乞以身贖一城之命哀懇切至國
王義而許之從攻相州流矢中鼻鏃出腦後拔矢再戰七日
破其城論功授冀州行軍都元帥佩金虎符璿讓其兄珪朝
廷從之改授璿軍民總管稍遷易州達魯噶齊佩金虎符太
宗下河南璿自易州馳驅輸矢二十餘萬至行在帝喜命權
中都省事癸巳趙揚據興州叛璿進軍平之遷中山眞定二
州達魯噶齊中統三年詔立十道宣慰司以璿爲順天宣慰
使

案三年原本作元年錢大昕元史攷異云中統元年立十
路宣撫司璿不預使副之列至三年立十路宣慰司乃以
璿等爲使傳云元

年誤也謹改正 至元元年轉淄萊路總管六年改太原路

總管十二年升燕南道提刑按察使十四年遷河南道十六

年致仕明年卒年八十皇慶元年贈儀同三司太保上柱國

封定國公諡襄穆子秉溫事世祖潛邸命受學於太保劉秉

忠從征吐蕃雲南大理中統初詔行右三部事至元七年創

習朝儀閱試稱旨授尙書禮部侍郎知侍儀司事案禮樂志立侍儀司

授趙秉溫職明年授祕書少監購求天下祕書十九年遷昭

文館大學士知太史院侍儀司事授時厯成賜鈔二百錠進

階中奉大夫二十九年編國朝集禮成帝特命其子慧襲侍

儀使皇慶元年贈金紫光祿大夫司徒雲國公諡文昭子慧

後仕至昭文館大學士元史

魏初字太初宏州順聖人金靖肅公璠之從孫璠無子以初

爲後初好讀書尤長於春秋爲文簡而有法中統元年辟爲

掾史兼掌書記未幾以祖母老辭歸隱居教授會詔左丞許

衡學士竇默及京師諸儒各陳經史所載前代帝王嘉言善
政選進讀之士有司以初應詔帝雅重璠名詢知初爲璠後
歎獎久之授國史院編修官尋拜監察御史首言法者持天
下之具御史臺則守法之司也方今法有未定百司無所持
循宜參酌考定頒行天下帝宴羣臣於上都行宮有不能醕
大卮者免其冠服初上疏曰臣聞君猶天也臣猶地也尊卑
之禮不可不肅方今內有太常有史官有起居注以議典禮
記言動外有高麗安南使者入貢以觀中國之儀昨聞錫宴
大臣威儀弗謹非所以尊朝廷正上下也疏入帝欣納之仍
諭侍臣自今毋復爲此舉時襄樊未下將括民爲兵或請自
大興始初言京師天下根本要在殷盛建邦之初詎宜騷動
遂免又言舊制常參官諸州刺史上任三日舉一人自代况

風紀之職與常員異請自今監察御史按察司官在任一歲各舉一人自代所舉不當有罰不惟砥礪風節亦可爲國得人遂舉勸農副使劉宣自代出僉陝西四川按察使事歷陝西河東按察副使入爲治書侍御史又以侍御史行御史臺事干揚州擢江西按察使尋徵拜侍御史行臺移建康出爲中丞卒年六十一子必復集賢侍講學士

元史

梁樞宣德人初習詞賦輒棄去已聞京師建太極書院德安趙復講學其中徒步往從之旣見得復所書希賢錄讀之嘆曰伊尹顏回心同道同希之當在我也久之辭歸從學者日眾晚嗜易以觀象名軒學者稱象軒先生

雍正志

楊贊蔚州人年十二給事馬驛馬肥好十六歲祖母勸之還家爲農稍長右三部傳命三十人採木作大都城門俄佩銀

符見世祖於廣寒殿授蔚州採木同提舉佩金符凡四爲採
木提舉由奉訓大夫改奉直大夫太安州萊蕪等處鐵冶提
舉知岢嵐州平定州賣厯本均課程收皮革興碾磑省民錢
五萬餘緡時皇太后幸五臺以贊爲中順大夫知宣德府仍
領採木使特賜鈔二千五百貫貂裘一至大二年除晉甯路

治中

趙孟頫撰楊
氏先塋碑銘

潘澤字澤民宣德府人初從許衡學孝弟謙謹盡變故習由
從事太府監累陞奉議大夫知宏州兼諸軍輿魯始有土民
以行所學郡旱徧禱不應乃詣郭西泉投文祝之明日大雨
爲屋祠龍泉上州南巨風爲災又禱之以文風遂息州向繫
獄疑盜八人澤明其非辜皆出之未幾眞盜盡獲太原民有
從貴家奴得僞鈔獲罪者待命他郡過治號于市曰神明如

公獨不能活我耶澤訓得其情上之竟雪其誣而抵奴與僞
爲法轉之興中州入爲監察御史吏部主事時當國臣日行
不法察院召按不能致澤從卒至部捕之論如律轉僉山北
遼東道提刑按察司事有田民殺其主者獄已結矣澤詳讞
之則其妻與所私夫爲之乃出田民抵二人法又有訟爲豪
室奴其一家十七人有司觀願數年不能正澤以凡今鬻人
皆畫男女左右食指橫理於券爲信以其疏密判人短長壯
少與獄辭同具索券視中有年十三兒指理如成人澤曰僞
敗在此爲召郡兒年十三人以符其指皆密不合豪室遂
屈毀券還之或言高麗王謀逆詔近臣備澤治澤謂王今尙
主設舉事主必上變安能噎嘿以從他臣求竟澤獨輕平主
果馳使上明制使多得罪尋入都事御史臺剖白羣疑無所

顧讓出爲江北淮西道提刑按察司副使按宣慰家兒怙勢
抑買民物不償值與償而不滿者皆比贓論後改提刑按察
爲肅政廉訪轉江南浙西道肅政廉訪副使至元二十九年

卒年五十五

姚燧撰
神道碑

崔彧字文卿小字拜特穆爾宏州人負才氣剛直敢言世祖
甚器重之至元十六年奉詔往江南訪求藝術之人及還首
言呼圖克岱爾根索亡宋財貨煩擾百姓身爲使臣乃挈妻
子以往所在取索鞍馬芻米世祖雖聽其言然虛實竟不辨
決也十九年除集賢侍讀學士彧言阿哈瑪特當國時同列
皆知其惡無人誰何旣誅乃各自爲潔誠欺罔之大者聖旨
凡阿哈瑪特所用之人皆革去臣以爲守門卒隸亦不可留
如參知政事阿里請以阿薩爾襲父職倘使得請其害又有

不可勝言者賴陛下神聖灼知其奸拒而不可臣已疏其奸惡十餘事乞召阿里廷辯又請以郝禎剖棺戮屍從之尋奉旨鉤考樞密文牘遂由刑部尙書拜御史中丞或言臺臣於國家政事得失生民休戚百官邪正雖王公將相亦宜糾察近唯御史得有所言臣以爲臺官皆當建言庶於國家有補選用臺察官若由中書必有偏徇之弊御史宜從本臺選擇初用漢人十六員今用蒙古十六員相參巡歷爲宜皆從之二十年復爲刑部尙書上疏言時政十八事一日開廣言路多選正人番直上前以司喉舌二日當阿哈瑪特擅權臺臣莫敢糾其非迨事敗然後接踵隨聲徒取譏笑宜別加選用三日樞密院定奪軍官賞罰不當聽阿哈瑪特風旨宜擇有聲望者爲長貳四日翰苑亦頌阿哈瑪特功德宜訪南北耆

儒碩望以重此選五日郝禎耿仁等雖正典刑若是者尙多
罪同罰異公論未伸合次第屏除六日貴游子弟用卽顯官
幼不講學何以從政得如左丞許衡教國之學則人財輩出
七日今起居注所書不過奏事檢目宜擇蒙古人漢人之重
厚者分居其任言動必書以垂法於無窮八日憲曹無法可
守是以奸人無所顧忌宜定律令以爲一代法九日近議裁
冗官若徒省一員併一職亦非經久之策宜參眾議以定成
規十日官僚無以養廉責其貪則苛乞將諸路大小官有俸
者量增無俸者特給十一日內地百姓流移江南避賦役者
已十五萬戶乞特降詔旨召集復業十二日凡丞相安圖遷
轉良臣悉爲阿哈瑪特擯黜或居散地或在遠方並當拔擢
十三日簿錄奸黨財物本國家之物不可視爲橫得遂致濫

用宜以之實帑藏供歲計十四日大都非如上都止備巡幸
不應立留守司此皆阿哈瑪特以此位置私黨宜易置總管
府十五日中書省右丞二而左丞缺宜改所增右丞置諸左
十六日在外行省不必置丞相平章止設左右丞以下庶幾
內重不致勢均十七日阿爾哈雅制兵子姪姻黨分列權要
威權不在阿哈瑪特下宜罷職理算其官吏亦當量轉他所
勿使久據湖廣十八日銓選彙奏賢否莫知自今三品以上
必引見而後授官疏入卽日命中書行其數事餘命與御史
大夫伊實特穆爾議行之又言江南盜賊相挺而起皆由拘
刷水手與造海船民不聊生激而成變日本之役宜姑止之
又江西四省軍需宜量民力勿強以土產所無凡給物價與
民者必以實召募水手當從其所欲伺民氣稍蘇我力粗備

後議東征未晚世祖以爲不切曰爾所言如射然挽弓雖可
觀發矢則非是矣或又言昨差官度量大都州縣地方本以
革權勢兼并之弊初非擾民而近者浮言胥動恐失農時乞
降旨省諭又言建言者多孰是孰否中書宜集議可行者行
之不可則明諭言者爲便又言各路每歲選取室女亟宜停
罷又言宋文思院小口斛出入官糧無所容隱宜頒行皆從
之二十一年以劾奏盧世榮不可居相職忤旨罷二十三年
加集賢大學士中奉大夫同僉樞密院事尋出爲甘肅行省
右丞召拜中書右丞奏言僧格當國四年中外諸官多以賄
進其昆弟故舊妻族皆授要官美地唯以欺蔽九重賔削百
姓爲事宜令兩省嚴加考覈凡人其黨者皆汰逐之又僧格
所設衙門其閒冗之官徒費祿食宜令百司集議汰罷及自

今調官宜如舊制又大都高貴戶多爲僧格等所容庇凡百徭役止令貧民當之今宜核實均輸有敢如前以賄求容庇者罪之又軍站諸戶每歲官吏非名取索賦稅倍蓰民多流移請自今非奉詔敢私斂民及役軍匠者論如法又呼圖克諾延籍戶之後各投下毋擅招集太宗旣行之江南民爲籍已定乞依太宗所行爲是皆從之二十八年由中書右丞遷御史中丞薦太醫院使劉岳臣爲翰林學士又奏行御史臺言建寧路總管瑪們因捕盜延及平民榜掠多死又俘掠人財迫通處女獄未具會赦如臣等議瑪們以非罪殺人不在原例宜明白定罪又言昔行御史臺周祚劾尙書省官孟古岱嘉運達尼雅斯拉鼎默呼奸賊尼雅斯拉鼎默呼反誣祚以罪遣人告僧格僧格曖昧以聞流祚於噶達蘇妻子家財

並沒入官祚至和琳遇亂走還僧格又遣詣雲南理算錢穀以贖其罪今閱其狀詞罪甚微宜復其妻子皆從之二十九年或偕御史大夫伊實特穆爾等奏四方之人來聚闕下牽言事以干進國家名器資品高下具有定格臣等以爲中書樞密宜早爲銓定應格者與之不當與者明語其故使去又言事有是非當否宜早與詳審言之當者卽議施行或所陳有須詰難條具者卽令其人講究否則罷遣又奏尼雅斯拉鼎默呼實都王巨濟黨比僧格恣爲不法楮幣銓選鹽課酒稅無不更張變亂理算積逋期限嚴急胥卒追逮半於道路民至嫁妻賣女殃及親鄰維揚錢塘受害尤慘無故而殞其生者五百餘人近遣舍哩按問悉皆首實請死天下乃知聖天子仁愛元元而使之至此極者實僧格及其克黨所爲也

莫不願食其肉請將此三人從公論罪以謝天下從之又言
河西人色徹肯領兵爲宣慰其吏詣廉訪司告其三十六事
檄僉事簿問而色徹肯率軍人禽問者辱之且奪告者以去
臣議從行臺官選御史往案問色徹肯仍先奪其職又言行
臺官言去歲僧格旣敗使臣至自上所者或不持璽書口傳
諭旨縱釋有罪擅籍人家眞僞莫辨請自今凡使臣必降璽
書省臺院諸司必給印文以杜奸欺帝曰何人敢爾耶對曰
裕嚕伊納克巴延徹爾比嘗傳旨縱罪人帝悉可其奏又奏
松州達嚕噶齊長孫自言不願爲錢穀官願備員廉訪司令
茂巴爾斯上聞傳旨至臺特令委用臺臣所宜奉行但徑自
陳獻又嘗有罪理應區別帝曰此自卿事宜審行之又奏江
南李淦言葉李過愆被旨赴京以辨今葉李已死事有不待

辨者李淦本儒人請授以教官旌其直言又奏鄂州一道舊有按察司約蘇穆爾惡其害已令僧格奏罷之臣觀鄂州等九郡境土亦廣宜復置廉訪司行御史臺舊治揚州令揚州隸南京而行臺移治建康其淮東廉訪司舊治淮安宜移治揚州又奏諸官吏受賕在朝則詣御史臺首告在外則詣按察使首告已有成憲自僧格持國受賕者許控諸司故反覆牽延事久不竟今宜尊前旨諸司無得輒受又監察御史托迪實克言女真人嘉琿達去歲東征妄言以米千石餉實喇特穆爾軍萬人奏支鈔四百錠宜令本處廉訪司究問於本處行省追償議罪皆從之三月中書省臣奏請以彧爲右丞帝曰崔彧不愛於言惟可使仕言責閏六月又同御史大夫伊實特穆爾奏近耿熙告河間鹽運司官吏盜官庫錢省臺

遣人同告者雜問凡負二萬二千餘錠已徵八千九百餘錠
運使張庸嘗獻其妹於阿哈瑪特有寵阿哈瑪特既沒以官
婢事僧格復有寵故庸夤緣戚屬得久居漕司獨盜三千一
百錠宜命臺省遣官同廉訪司倍徵之又言伊哱伯察江西
廉訪司官珠爾徹爾岱河東廉訪司官浩爾齊擅縱盜賊抑
奪民田貪污不法今伊哱伯以事至京宜就令詰問又言揚
州鹽運司受財多付商賈鹽計直該鈔二萬二千八百錠臣
等謂追徵足日課以歸省贓以歸臺斟酌定罪以清蠹源並
從之又奏江西詹玉始以妖術致位集賢當僧格特國遣其
搭核江西學糧貪酷暴橫學校大廢近與臣言色埒默達寶
密傳旨以江南有謀叛者俾乘傳往鞫明日訪知爲托斯和
寶沙欺罔奏遣玉在京師猶敢誑誕如此宜亟追還訊問帝

日此惡人也遣之往者朕未嘗知之其亟禽以來三十年或
言大都民食唯仰客糴頃緣官括商船載遞諸物致販鬻者
少米價翔踴請勿令有司括船爲便從之有寶泉提舉張簡
父子訟或不法十餘事奉旨就辯中書或書簡等所告與已
宜對者爲牘袖之視而後對所告皆無驗並繫獄簡瘐死三
十一年成宗卽位先是或得玉璽於故臣扎拉氏之家

謹案續通

志云裕宗后及楊桓傳並作穆呼哩
曾孫碩迪家扎拉卽穆呼哩氏也

其文曰受命於天旣壽

永昌卽以上之徽仁裕聖皇后至是皇后手授於成宗或以
久任憲臺乞還他職不許曰卿若辭避其誰抗言哉或言肅
政廉訪司案牘而令總管府檢劾非宜成宗曰朕知難行當
時事由小人擅奏耳其改之大德元年或又條陳臺憲諸事
皆見於施行於是或居御史臺久守正不阿人往往疾之監

察御史鄂蘭實喇劾奏中丞崔彧兄在先朝嘗有罪還其所籍家產非宜等事成宗怒其妄言答而遣之御史臺奏大都路總管實迪盜支官錢及受贓計五千三百緡准律當杖百七不敘以故臣子從輕論而成宗欲止權停其職彧與御史大夫濟爾噶朗執不可已而御史又奏彧任中丞且十年非所宜彧遂以病辭成宗諭之曰卿勉爲朕少留兼領侍儀司事與太常卿劉無隱奏新正朝賀歲常習儀大萬安寺成宗曰去歲諤都岱以雪故來後今而復然諸不至及失儀者殿中司監察御史同糾之二年加榮祿大夫平章政事尋與御史大夫圖沁奏世祖聖訓凡在籍儒人皆復其家今歲月滋久老者已矣少者不學宜遵先制俾廉訪司常加勉勵成宗深然之命彧與博果密諤爾根薩里同翰林集賢議特降詔

條使作成人材以備選舉尋卒至大元年贈推誠履正功臣

太傅開府儀同三司追封鄭國公諡忠肅

元史

武恪字伯威宣德府人初以神童遊學江南吳澄爲江西儒學副提舉薦入國學明宗在潛邸選爲說書秀才及出鎮雲南恪在行明宗欲起兵陝西恪諫曰太子此行於國有君命於家有叔父命何可違也此行未必非福若向京師發一矢史官必書太子反不可悔矣左右惡其言遣之歸居陋巷教子弟文宗知其名除祕書監典簿秩滿丁內艱再除中瑞司典簿改汾西縣尹皆不起或勸之仕恪曰向爲親屈今親已死何以仕爲至正間朝廷選守令台哈布哈舉恪爲平陽沁水縣尹亦不赴近臣又薦爲授經郎恪遂陽爲瘖瘂不與人接生平好讀周易每日堅坐或問先生之學以何爲本恪曰

以敬爲本所著有冰雲集

同上

觀音努字志能唐古氏世居新州登泰定四年進士第由戶部主事再轉知歸德府廉明剛斷發摘如神民有銜寃不直者雖數十年前事皆千里奔走來訴立爲剖決彰德富商任某抵睢陽驢斃令郗某剖之任以怒毆郗經宿死郗有妻王氏妾孫氏訴於官官吏納任賄謂郗非傷死反抵孫罪王來訴寃觀音努卽破械出孫於獄呼府胥語之曰吾爲文具香幣若爲吾以郗事禱諸城隍神令神顯告有睢陽小吏畏其嚴明且懼神顯赫乃以任所賂鈔陳首於是任始伏罪又寃陵豪民楊某夙覬王某田不能得直歲饑王携妻就食淮南得疾死其妻還則田已爲楊據訴之官楊僞作文券曰王在時已售觀音努令王妻挽楊回就崔府君神祠質之楊懼先

期以羊酒免巫祝神勿泄及詣祠相質果無驗觀音努疑之
召巫詰問巫吐實因訊得其情坐楊罪歸其田王氏責神而
撤其祠官至都水監同上

吳思達蔚州人兄弟六人嘗以父命析居思達爲開平縣主
簿父卒還家治葬畢會宗族泣告其母曰吾兄弟別處十餘
年矣今多破產以一母所生忍使兄弟苦樂不均耶卽以家
財代償其逋更復共居母卒哀毀甚宅後柳連理人以爲友
義所感同上

王彰奉聖州人弱冠時總管劉道生薦其才仕爲大司農幕

使保安州志性剛直爲政平恕明一統志遷奉訓大夫餘姚州知州除

奸釐弊興學勸農保安州志官至江西陸興路提舉後以宜興男

致仕明一統志

米安奉聖州人性淳素尚簡古隱居不仕能以義方振家聲
上同

郭欽奉聖州人官至朝列大夫兼上都路總管府經歷有政
聲父壽之有隱德以欽貴封太原郡伯上同

口北三廳

耶律托輝原作耶律禿花續通志作耶律托噶契丹人世居桓州太祖時率眾

來歸後太祖同飲班珠爾河水從伐金大破呼齊呼軍又從

穆呼哩收山東河北有功拜太傅總領伊克諾延封濮國公

賜虎符銀印統萬戶扎拉爾劉黑馬史天澤伐金卒於西河

州子珠格原作朱哥嗣仍統劉黑馬等七萬戶與都元帥達海甘

布同征四川卒於軍子寶通嗣以疾不任事珠格弟邁珠嗣

而以寶通充隨路新軍總管邁珠言于憲宗曰欲略定西川

當先定成都以爲根本帝從之遂率諸軍往成都攻嘉定未

下而卒子和爾台嗣總諸軍立成都府卒於軍以兄伯嘉努

嗣自珠格至伯嘉努並襲太傅總領伊克諾延圖們岱爾原作

禿滿者伯嘉努之弟和爾台之兄也常留中宿衛後伯嘉努

解兵柄爲他官乃授成都管軍萬戶代將其軍至元十一年

從呼敦攻嘉定修平康寨以守之十二年從汪良臣案汪良臣原作

汪特格考特格傳特格以憲宗九年死於釣魚山之戰其弟良臣於至元十一年進攻嘉定據此爲良臣無疑謹改正

攻九頂山破之殺都統一人嘉定降從呼敦徇下瀘敘諸城

圍重慶守合江口又以舟師塞龍門濠遏其援兵十三年瀘

州叛從汪良臣攻之重慶遣兵援瀘邀擊破之瀘堅守不下

夜率兵攻水城以進黎明先登克之復從布哈圍重慶守將

張珏搏戰敗之城下重慶降賜虎符授夔路招討使累遷四

川等處行尙書省右丞卒孟古岱寶通子也世祖時賜金符襲父職爲隨路新軍總管統領山西兩路新軍從行省伊蘇岱爾征蜀及思播建都諸蠻夷有功升萬戶從攻羅必甸至雲南詔以其衆入緬迎雲南王時諸蠻往往伏險要爲備孟古岱奮擊破之凡十餘戰至緬境開金齒道奉王以還遷副都元帥從諸王阿爾台征交趾至白鶴江與交趾僞昭文王戰奪戰艦八十七艘又從雲南王攻羅必甸破之二十九年人覲成宗卽位授烏撒烏蒙等處宣慰使兼管軍萬戶遷大理金齒等處宣慰使都元帥六年烏撒羅羅斯叛率師討平之九年討叛賊阿垣誅之進驃騎衛上將軍遙授雲南諸路行中書省左丞行大理金齒等處宣慰使都元帥卒於軍至大四年贈龍虎衛上將軍平章政事仍追封濮國公諡威愍

子和尼齊襲萬戶

元史

和尙約勒伯里巴約特氏

案三廳志作玉耳伯牙吾台氏續通志作裕勒巴拉巴約特氏三廳

志云上都所屬地

父古都斯

原作忽都思

膂力過人歲壬辰從睿宗破金

將哈達軍於三峯山以功賜號巴圖爾甲午金亡乙未授管

軍百戶從攻宋唐鄧潁蔡等州屢立戰功辛亥賜名馬文錦

白金甲胄弓矢乙卯從攻漢上鐵城塞歿於軍贈竭忠宣力

功臣資德大夫中書右丞上護軍沅國公諡武愍和尙襲父

職己未從世祖攻鄂州中統三年李璫叛從國兵討之戰老

僧口斬獲甚眾升阿嚶罕萬戶府經歷至元五年攻襄陽軍

務繁劇贊畫有方都元帥阿珠薦其才可大用十一年從丞

相巴延渡江與宋軍戰於柳子魯泲新灘沌口有功十二年

從平章阿爾哈雅攻拔岳州取沙市至江陵諭降宋安撫使

高達以功升行省郎中從國兵圍潭州十三年城破諸將欲屠其城和尚止之由是湖南諸郡聞風皆下改行省斷事官徇地廣西督前軍攻破靜江遂兼行宣撫事廣西平授大中大夫常德路達魯噶齊以治最聞擢嶺南廣西道提刑按察使時阿爾哈雅恃功驕恣劾奏不少貸遷江南浙西道提刑按察使浙西宋故都民眾事繁在職惟務鎮靜人服其知大體卒於官年四十九贈宣忠守正功臣銀青榮祿大夫司徒上柱國追封沅國公諡莊肅子齊諾以御史大夫伊嚕諾延薦入見大安閣世祖念其功臣子卽以其父官授之拜武德將軍江南浙西道提刑按察使時江浙行中書省行御史臺皆治杭齊諾上言行省專控江浙在杭爲宜行臺總鎮江南不宜偏在杭且兩大府並立勢逼則事窒情通則威褻盍移

行臺於要便之所後數年移行臺於江東遷山南湖北道提刑按察使二十六年加明威將軍遷淮西江北道提刑按察使時僧格秉政擅權人莫敢言齊諾入朝亟陳其罪狀帝爲之改容及僧格誅又言其黨猶布中外宜早處分改立肅政廉訪司進廣威將軍授江北淮東道肅政廉訪使三十一年遷江東建康道肅政廉訪使丁祖母憂服闋東平大名諸路有諸王牧馬草地與民田相間互相侵冒有司視強弱爲予奪連歲爭訟不能定命起齊諾治之訟遂息大德二年使淮東西問民疾苦察官吏能否還奏軍民便宜三十事多見采用歷江西湖東江南湖北兩道廉訪使時中書平章巴延等固位日久黨與眾盛所任之人徇情玩法齊諾撫其實上於憲臺以聞巴延等皆被黜前後七持憲節剛正不撓聞朝廷

事有不便必上章極論未嘗以內外爲嫌七年授嘉議大夫
大都路總管兼大興府尹馭吏治民有方以暇日正街衢表
里巷國學興工尤盡其力俄進通議大夫同僉樞密院事上
疏言蒙古軍在山東河南者往戍甘肅跋涉萬里裝橐鞍馬
之資皆其自辦每行必鬻田產甚則賣妻子戍者未歸代者
當發前後相仍困苦日甚今邊陲無事而虛殫兵力誠爲非
計請以近甘肅之兵戍之而山東河南諸軍官爲出錢贖其
田產妻子詔從之未幾遷參議中書省事贊決機務精練明
敏成宗崩迎仁宗於潛邸奉武宗卽位危疑之際彌綸補益
之功爲多拜榮祿大夫平章政事商議樞密院事左翼萬戶
府達嚕噶齊提調屯田事延祐五年致仕給半俸終其身退
居濮上築先聖宴居祠堂於厯山下聚書萬卷延名師教其

鄉里子弟出私田百畝給養之有司以聞賜額厯山書院居

七年卒年七十一贈推忠輔治功臣光祿大夫河南江北等

處行中書省平章政事上柱國追封衛國公諡景憲子倫布

原作龍寶監察御史壽通洪澤屯萬戶布呼齊南臺御史觀音保

襲洪澤屯萬戶巴延呼圖克起進士知鄭州以治行第一入

為翰林國史院經歷元史

布埒齊原作李蘭奚

鴻吉哩氏世居應昌祖莽格

續通志作孟克三廳志作忙哥

以后族備太祖宿衛父婁實克

原作律實

狀貌魁偉有謀善騎射

太祖嘗聞軍旅之事應對稱旨即命為千戶尋以為齊王府

司馬後從睿宗伐金有功詔還宿衛以疾卒布埒齊英邁有

父風幼孤能自刻厲暇日習弓馬夜則讀書承母訓期以成

父之志從軍有功襲父官為齊王司馬世祖親征納延以齊

王兵從布埒齊躍馬陷陣斬其旗所嚮披靡世祖大悅授宣

威將軍信州路達嚕噶齊時江南初附布宣上意與民更始

期年郡大治俄以疾卒年三十三贈河間路達嚕噶齊追封

范陽郡侯子托音布哈原作脫歷監察御史河南廉訪副使

郴州路達嚕噶齊元史

耶律伯堅字壽之桓州人氣豪俠喜與名士游用薦舉入官

爲工部主事至元九年轉保定路清苑縣尹初安肅州苦徐

水之害訴於大司農欲奪水故道導之使東入清苑境伯堅

陳其形勢圖其利害謂果導則清苑徒被淹沒而水必反故

道爲災請大司農司官及郡守行視可否事遂已縣西有塘

水溉民田甚廣勢家據以爲禮民以失利來訴伯堅命毀禮

決其水注之田許以溉田之餘月乃得堰水置禮著爲定制

縣居南北之衝歲爲親王大官治供帳於縣西限以十月成
至明年復撤而新之吏得並緣侵漁其費不貲伯堅命築公
館以代其弊遂絕凡郡府賦役於縣有重於他縣者輒曰宜
得罪於上不可得罪於下必詣府力爭之在清苑四年民親
之如父母比去立石頌其德焉擢爲恩州同知元史

達爾瑪實哩

原作達禮
麻職理

字遵道齊哩克台氏其先北方大族

六世祖始居開平父阿拉克布哈江西行省叅知政事追封
趙國公諡襄惠達爾瑪實哩幼穎敏從師授經史過目輒領
解至正五年經筵選充譯史益自砥礪於學轉補御史臺譯
史除御史臺照磨十五年拜監察御史出僉山北道肅政廉
訪司事未行留爲詹事院長史俄遷工部員外郎復留爲長
史明年除中議尋升叅議詹事院事十七年爲太子家令十

八年歷祕書太監吏部侍郎御侍臺經歷中書右司郎中十
九年除刑部尙書提調南北兵馬司巡綽事盜逼畿甸人心
大恐達爾瑪實哩鎮之以靜民恃以安二十一年由中書叅
議升中書叅知政事同知經筵事二十三年遷上都留守兼
開平府尹加榮祿大夫分司土領東鎮三州以督轉輸二十
四年朝廷以前中書平章政事達實特穆爾來爲留守時博
囉特穆爾擁兵京師皇太子出居於外達爾瑪實哩與達實
特穆爾皆以忠義許國相與結人心以觀時變未幾改授達
實特穆爾大司農達實特穆爾謂達爾瑪實哩曰我至京師
則制於強臣未易圖也因留不行適塔奇勒原作脫
吉見以博囉
特穆爾命屯兵哈里泊而以留守善安集兵於鄂濟哩部落
達爾瑪實哩遇之有禮善安辭去博囉特穆爾復調特穆爾

托噶蘇克

原作託忽速哥

至上都以守禦爲名事益矛盾達爾瑪實

哩與之周旋略無幾微見於外而密遣使通音問於罕哈哈

刺海行樞密知院伊埒岱爾

原作益老峇兒

請亟調兵南行又遣留

守司照磨陳恭取兵興州訪求在聞官吏之有才者約束東

西手巴喇噶齊虎賁司糾集丁壯苗軍火銃什伍相聯一旦

布列鐵旂竿山下揚言四方勤王之師皆至特穆爾等駭走

所將兵盡潰由是達爾瑪實哩增修武備城守益嚴二十五

年皇太子在冀宣命立上都分省達實特穆爾爲平章政事

達爾瑪實哩爲右丞便宜行事圖沁特穆爾用博囉特穆爾

命以兵犯上都先遣利用少監特爾格齊

原作帖里哥赤

至上都令

備糧餼遠迓大軍達爾瑪實哩開陳大義戮之於市民情乃

定已而圖沁特穆爾帥鐵甲馬步軍蔽野而至呼聲動天達

爾瑪實哩飭軍士城守申明逆順之理以安人心巡視城壁
晝夜不少息遣死士縋城而下焚其攻具調副留守圖嚕默
色哈雅引兵出戰敗之未幾博囉特穆爾伏誅圖沁特穆爾
奔潰上都以安拜中書右丞兼上都留守提調虎賁司加光
祿大夫賜黃金繫腰仍命提調東西手巴喇噶齊明年召爲
大宗正府伊克札爾古齊又明年拜太子詹事奉詔至軍中
宣明大義藩將感悅遷翰林學士承旨秋除知樞密院事大
撫軍院事初大撫軍院之立皇太子專以備禦庫庫特穆爾
旣而政權不一事務益乖迨達爾瑪實哩至事已無可爲者
達爾瑪實哩之卒也先一夕集賽官哈喇章夢太祖召見語
之曰我以勤勞取天下傳於托歡特穆爾而阿裕爾實哩達
喇不克肖似廢壞我家法苟不卽改圖天命不可保矣爾明

且亟以吾言告而主及阿裕爾實哩達喇不以告吾卽殛汝
告之而不改則吾有以處之達爾瑪實哩其人庶幾識事然
知而不言將焉用之吾其先殛之矣明旦哈章入見帝其以
夢告帝令以告皇太子比出則達爾瑪實哩已無疾而卒矣

元史

溫義開平人累世同居詔旌其門

元史孝義傳

遵化州

楊時照字春卿玉田人嘗爲興文署丞幼穎悟質厚制行不
爲崖岸隱居教授二十餘年士大夫多出其門下築一室環
種竹名曰庸齋圖其象爲野服蕭然病革訣其門人曰予平

生無媿于世言已卒

劉靜修文集

王從政薊州遵化人由國子生爲安平尹清慎愛民祀名宦

安平縣志

易州

趙柔涑水人有膽略善騎射好施予金末避兵西山柵險以保鄉井時劉伯元蔡友資李純等亦各聚眾數千聞柔信義共推為長柔明號令嚴約束重賞罰為眾所服歲癸酉太祖遣兵破紫荆關以眾歸授涑易二州長官佩金符丙戌羣盜并起柔單騎說降其眾以功遷龍虎衛上將軍正定涑等路兵馬都元帥佩金虎符兼銀冶總管庚寅太宗命兼管諸處打捕總管丙申加金紫光祿大夫卒至順元年追封天水郡公諡莊靜曾孫世安榮祿大夫江西行省左丞元史

何伯祥字世麟郝經撰碑銘易州易縣人郝經撰碑銘幼從軍

于金元史數嘗敵鋒年十五事中都經略使苗道潤道潤與其

副賈瑀有隙一日從數騎出瑀伏甲射之顛于道從者駭散
伯祥獨下掖之伏發奮槍大呼殺數人賊遁去遂取道潤所
佩金虎符以出聞道聞諸朝命靖安民代道潤因事之伯祥
之父初爲山西賊所襲乃言諸靖與十二人冒險捷出以復
父仇掠數百里破靈邱奉聖安水諸堡寨時年十六服以何
郎目之安民卒以符節歸萬戶張柔柔愛其材置左右每戰
輒與之俱碑銘戊寅從張柔來歸太祖定河朔惟保定王子昌
信安張進堅守不下子昌金驍將也柔命伯祥逼其城子昌
出走追及之子昌反射中手貫槍伯祥拔矢棄槍策馬直前
徒手搏之擒子昌進聞之遁去遂平山西諸寨後攻汴梁拔
洛陽圍歸德破蔡州論功居多授易州等處軍民總管丁酉
從主帥察罕伐宋伯祥拔三十餘柵獲戰艦千餘艘又破芭

蕉望鄉大洪張家等寨俘獲甚眾器械山積察罕以其功聞
賜錦衣金甲王子諸軍入宋境察罕自他道遽還諸軍倉皇
失措伯祥曰此必爲敵所遏不若出其不意而遂深入其地
彼不我測乃可出也遂率兵突戰直抵司空塞疏布營壘陵
高伐木爲攻取勢旣夜命爲五營營火十炬伏精銳于營側
天將明令士卒速行而鳴鼓其後宋兵果來追伏發驚潰追
擊破之轉戰百餘里他軍不能歸者皆賴以出帝聞之賜金
二百兩世祖南拔伯祥參預軍事多所獻納卒于軍贈儀同
三司太保上柱國追封易國公諡武昌

案趙孟頫撰何瑋
神道碑諡忠毅

子

瑋字仲韞始襲父職知易州兄行軍千戶瑛卒

據碑
銘增

復襲之

鎮亳州從圍襄樊宋將夏貴率舟師來救瑋特建營於城東
北貴兵縱火焚北關遂進逼瑋萬戶托音布哈等呼瑋入城

瑋不從率眾誓以死戰開營門以身先之貴敗走至元十一年丞相巴延受命伐宋辟瑋爲帳前都鎮撫師次陽羅堡夏貴率戰艦列江上下瑋從元帥阿珠率眾先渡諸軍繼之貴復敗走宋丞相賈似道率舟師拒於丁家洲瑋將勇敢士出戰奪舟千餘艘似道遁去授武德將軍管軍總管佩金虎符宋旣平進懷遠大將軍太平路軍民達嚕噶齊俄升昭勇大將軍行戶部尙書兩淮都轉運使至元十八年擢參議中書省事二十年擢爲江浙按察使二十二年改大名路總管二十八年遷湖南宣慰使三十一年拜中書參知政事時宰執凡十一人案續通志云宰相年表至元三十一年自鄆勒哲而下凡十二人其一則是年十一月創增也故本傳祇云瑋曰古者一相專任賢也今政出多門轉相疑忌請損之不從遂乞代大德四年授侍御史以母病辭七年授御

史中丞陳當世要務十條成宗嘉納之京師孔子廟成瑋言

唐虞三代國都閭巷莫不有學今孔廟既成宜建國學於側

從之賽音諤德齊巴圖果勒等

巴圖果勒宰相年表作巴特瑪琳沁

還自貶所

復相瑋言奸黨不可復用宜選正人以居廟堂帝然之監察

御史郭章劾郎中哈喇哈斯受贓具服而哈喇哈斯密結權

要以枉問誣章瑋率臺臣入奏辨論剴切章遂得釋九年冬

將有事於南郊議配享瑋曰嚴父配天萬世不易不果行成

宗崩丞相阿固台奉皇后旨集廷臣議祔廟及攝政事瑋難

之阿固台變色曰中丞獨不畏死耶瑋從容曰畏死不義耳

苟死於義夫復何畏未幾以疾去位武宗卽位於上都授太

子副詹事遣使促使就職復遙授平章政事商議中書省事

帝至自上都臨朝問曰孰爲何中丞瑋出拜帝曰朕知卿能

以忠直為國朕有不逮卿當勉輔至大元年遷太子詹事兼

衛率使俄拜中書左丞仍平章政事商議中書省事未幾擢

河南行省平章政事佩金虎符提調屯田事帝面諭曰汴省

事重屯田久廢卿當為國竭力賜黑貂裘一錦衣二襲瑋至

汴建諸葛亮祠立書院以地三千畝贍之三年改河南行尚

書省平章政事卒元史年六十有六趙孟頫撰神道碑贈太傅開府儀

同三司上柱國追封梁國公諡文正元史子德嚴順德路總管

德溫保定翼副萬戶趙孟頫撰神道碑

鞏彥暉易州人與兄彥榮俱以武功稱初彥榮以百夫長隸

千戶何伯祥麾下累有戰功後請老以彥暉代之諸軍伐宋

彥暉從破棗陽斬首甚眾萬戶張柔之駐曹武也彥暉與伯

祥別將一軍破大洪諸寨宋人出荆鄂選兵二萬救之彥暉

與伯祥逆戰斬首五百級生擒曹路分等一十六人是夜宋兵來攻彥暉率甲士三千人追擊於曹武鎮敵潰走擒其主將以歸戰光州柔軍於東北命彥暉率勁卒二百伏西南夜五鼓東北聲振天地彥暉植梯先登眾繼之破其外城遂急攻并其子城破之戰滁州彥暉率浮渾脫者十人夜渡滁水入欄馬牆殺守軍三鋪焚其東南角排寨木簾大軍繼之比明拔其城會大軍攻黃州諸將壁壘未定有舟來覘柔遣彥暉伏甲二百于赤壁下敵軍夜半水陸並至彥暉待其半過擊之敵大撓死者無算生擒十七人師還又破張家寨以守將獻從攻壽州奪其門生擒三人以出泗州之役諸將自四鼓集城下爲塹水所阻黎明無敢渡者兩軍交射如雨彥暉被重甲徑渡敵將來禦彥暉刺其胷搏殺之眾軍畢渡至晡

得其外城尋發其月城彥暉將下顧伯祥失所在乃反求之
敵追襲彥暉力戰翼伯祥以出事聞賜彥暉銀符牌兼鎮撫
事歲己未兵渡江次武昌宋援兵四集彥暉逆戰有舟數十
來挑戰彥暉逐之入湖中伏出圍彥暉數匝左右莫能近彥
暉矢盡短兵接身被重傷度不可免遂投水中敵援之出載
歸江州見宋官不屈問以事不對竟死年五十六長子信襲
授銀符易州等處管軍總把中統三年從征李璫至元四年
從元帥阿珠南征九年從攻樊城先登奪其土城焚西南角
樓殺敵軍十人擒五人宋將矮張以舟兵來援自高頭堡戰
鬪八十餘里抵襄陽城下奪戰艦二獲其裨將二人十一年
從丞相巴延攻沙陽堡率勇士五十人火焚其寨敵軍大亂
遂破之十二年戰丁家洲殺宋兵七十餘人奪戰艦二江南

平以功升武略將軍管軍千戶鎮太平州十六年以疾辭子
思明思溫思恭思明初患目疾以思溫襲及思溫卒而思明
疾愈復以思明襲思明卒以思恭襲懷孟萬戶府管軍下千
戶佩金符元史

柴禎易州人父從吉倜儻不羣尙氣節累致貲富隨卽散去
嘗欲請建太廟以享祖宗任漢官以嚴省署等數事未及陳
而卒禎世祖時爲東平路軍撫使南京路宣慰使四川行樞
密院事近官嘉議大夫拜右三部尙書弟柝知邢州易州志

敬儼字威卿其先河東人後徙易水五世祖嗣徽仕金官至
參知政事曾祖子淵樂陵令祖鑑同知嵩州事皆以進士起

家元史父元長字伯仁易州志有學行官至太常博士儼嗜學善

屬文御史中丞郭良弼薦爲殿中知班著憲章若干卷受知

於廣平王伊魯勒諾延連辟太傅太師兩府掾調高郵縣尹未赴選充中書省掾朱清張瑄爲海運萬戶豪縱不法適儼典其文牘嘗致厚賂儼拒之二人伏誅權貴多以賄連坐獨儼不與大德二年授吏部主事改集賢司直會湖湘有警丞相哈喇哈斯達爾罕奏儼奉詔恤民且觀覺稱旨六年擢禮部員外郎有故郡守子當以廕補官繼母訴其非嫡者儼察其誣按之果如所言七年拜監察御史時省臣有已黜而復收用者參預官巧佞與相比周以贖貨撓法卽日劾去之江浙行省與浙西憲司交章攻訐命儼偕阿爾斯蘭哈雅往治議多不合兩上之朝廷卒是儼議遷中書左司都事扈從上京西京賈人以運糧供餉得官盜用至數十萬石以利啗主者匿不發儼按徵之以輸邊九年授吏部郎中以父疾辭父

卒終喪服入御史臺爲都事中丞何某與執政有隙省議欲覈臺選之當否儼曰邇者省除吏千餘人臺亦當分別之耶語聞議遂寢武宗撫軍北邊成宗昇遐宰臣有異謀者事定命儼鞫問得其情除山北廉訪副使入爲右司郎中武宗臨御湖廣省臣有僞爲警報馳驛入奏以圖柄用者儼面詰之曰汝守方面既有警豈得離職是必虛誕耳其人竟以狀露被斥旱蝗民飢爲盜有司捕治論以真犯獄上儼曰民飢而盜迫於不得已非故盜也且死者不可復生宜在所矜貸用是得減死者甚眾至大元年授左司郎中擢江南諸道行御史臺治書侍御史先是儼以議立尙書省忤宰臣意適兩淮鹽法久滯乃左遷儼爲轉運使陰以陷之比至首劾場官之貪汚者法旣大行課復增羨至二十五萬引河南行省參政

來會鹽筴將定羨數爲歲常額儼以亭戶彫敝已甚病人以爲己非大臣體事遂止仁宗踐阼召爲戶部尙書廷議欲革尙書省弊政儼言遽罷錢不用恐細民失利不從皇慶元年除浙東道廉訪使有錢塘退卒詐服僧衣稱太后旨建婺州雙谿石橋大興工役以病民儼命有司發其奸贓杖遣之奏罷其役郡大火焚數千家儼令發廩以賑貧餒取憲司發堂材及諸路學廩之羨者建孔子廟二年拜江西等處行中書省參知政事舊俗民有爭卽越訴於省吏得並緣爲奸訟益繁儼令省府非有司不得侵民訟事遂簡詔設科舉儼薦臨川吳澄金陵楊剛中爲考試官得人爲多延祐四年召爲侍御史湖廣省臣以贓敗儼一日五奏卒正其罪臺臣有劾去而復職者御史復劾之章再上有旨命丞相樞密共決儼曰

如是則臺事去矣遂卽帝前奏黜之因伏殿上叩頭請代帝
日事非由汝汝其復位五年拜中書參知政事臺臣奏留之
賜大學衍義及所服犀帶每入見帝以字呼之曰威卿而不
名其見禮遇如此舊制諸院及寺監皆奏除僚屬歲久多冒
濫富民或以賂進儼以名爵當慎惜奏請悉追奪之六年謝
病歸徙居淮南至治元年除陝西諸道行御史臺中丞泰定
元年改江南諸道御史臺中丞皆不赴四年徵爲集賢大學
士榮祿大夫商議中書省事儼令使者先反而挈家歸易水
輿疾入見賜食慰勞親爲差吉日使視事命朝會無下拜拜
中書平章政事復以病辭不從天厯改元朝議欲盡戮朝臣
之在上京者儼抗言若輩皆循歲例從行殺之非罪眾賴以
免居月餘傷足告歸家居十餘年痺不能行猶劬書不廢卒

贈翰林學士承旨光祿大夫柱國封魯國公諡文忠著有詩

文集若干卷子自強朝散大夫禮部員外郎元史

趙守贊涑水人大德間以明經舉大都路總管修築城隍訓

練兵甲有功陞按察司副使保定府志

盧應字天祥世為范陽人曾祖涉居涑陽遂為涑人應童時

言動嚴重不喜嬉戲長涉經史尤精法律累遷易州同知兼

西南路招撫使懷遠大將軍升易州刺史兼職仍舊加榮祿

大夫領都元帥金吾衛大將軍易州志

邢政字直卿涑水人易州志元史孝性篤孝負經濟才官

奉議大夫軍民匠都總管稱職四遷至中議大夫署刑部侍

郎中六十謝歸尋進禮部尚書手書十誠號錦里散人子用

中官至奉議大夫中尚監大使廉能端慎有父風易州志

王彥彰涑水人累官至餘姚州知州卓有政聲保定府志

張琪字廷玉易縣人元末舉進士隱洪崖山不復仕以詩文

鳴於世易州志

冀州

賈塔爾琿原作賈塔刺琿冀州人太祖用兵中原募能用礮者籍為

兵授塔爾琿四路總押佩金符以將之及攻益都下之加龍

虎衛上將軍行元帥左監軍便宜行事師還駐謙謙州即古

烏孫國也歲己丑將所部及契丹女真唐古漢兵攻鄂托羅

爾城塔爾琿督諸軍穴城先入破之即軍中拜元帥改銀青

光祿大夫從睿宗入散關略關外四州經興元渡漢江略唐

鄧申裕諸州河南平升金紫光祿大夫總領都元帥從大帥

塔沁攻徐邳平之十六年案續通志云本傳上文己丑為太宗元年下文戊午為憲宗八年攻

本紀自太宗至憲宗俱不原作抄卒子綽爾齊見赤襲從諸王伊

遜克塔齊爾南征戊午卒於軍子吉嚕原作襲卒弟六十八

襲至元五年諸軍圍襄樊九年六十八帥所部戍駱駝嶺一

字城立駭城南不發以怠敵心俄而帥銳卒突出攻其城西

破之以功賜銀幣鞍馬弓矢十一年諸軍南征渡江明年加

宣武將軍宋常州守臣姚訔堅守不下六十八發礮摧其城

壁宋援兵突至力戰卻之常州既克帥府令總新附礮手軍

臨安降加懷遠大將軍從諸軍追宋二王至海下三十餘城

十四年加昭勇大將軍十五年加輔國上將軍十八年論功

授奉國上將軍管領礮手軍都元帥二十年罷都元帥更授

礮手軍匠萬戶佩三珠虎符廿六年卒元史

張晉亨字進卿冀州南宮人其兄同知安武軍節度使事領

棗強令顯以冀州數道之眾附嚴實於青崖後從實來歸元

史攷證云金史宣宗本紀嚴實以興定四年與王贊等同據濟南屢招之不從至癸酉歲降元後於庚辰七月降宋十二月復降元是爲元太祖十五年元史

本紀亦同顯之來歸當在實初降時進顯安武軍節度使西

征戰沒歲戊寅穆呼哩承制署晉亨襲爵晉亨涉獵書史臨

事周密實器之以女妻焉實遣子忠貞入質命晉亨與俱丁

亥從國王博囉征益都以功遷昭毅大將軍領恩州刺史兼

行臺馬步軍都總領再遷鎮國大將軍實征淮楚河南晉亨

畢從甲午命爲東平路行軍千戶圍安慶其守將走邀擊之

斬首百級俘獲無算攻定城俘其將士十有五人略信陽執

復州將金之才攻六安拔之大小數十戰策功居多實率其

子忠濟奏晉亨權知東平府事東平貢賦率倍他道迎送供

億簿書獄訟日不暇給歷七年吏畏而民安之憲宗卽位從

忠濟入覲時包銀制行朝議戶賦銀六兩諸道長吏有輒請
試行者晉亨面責之曰諸君職在親民民之利病且不知乎
今天顏咫尺知而不言罪也承命而歸事不克濟罪當何如
且五方土產各異隨其產爲賦則民便而易足必責輸銀雖
破民之產有不能辦者大臣以聞明日召見如前言以對

續案

通志云王玉汝傳作玉汝糾諸路管民官愬之闕下兩傳互異

帝是之得戶額三之一仍聽

民輸他物定爲制帝賜晉亨金虎符辭曰虎符國之名器長
一道者所佩臣隸忠濟麾下復佩虎符非制也臣不敢受帝

益喜改賜璽書金符恩州管民萬戶中統三年李璫叛晉亨
從嚴忠範戰於遙牆灤勝之改本道鄂囉萬戶四年授金虎

符分將本道兵充萬戶戍宿州首言汴隄南北沃壤閒曠宜
屯田以資軍食乃分兵列營以時種藝選千夫長督勸之事

成期年皆獲其利至元八年改懷遠大將軍淄萊路總管兼

軍事十一年詔伐宋晉亨在選中聞命就道曰此報效之秋

也分道由安處渡江丞相巴延留之戍鎮江兼與民政壹以

鎮靜為務戰焦山瓜州皆有功十三年卒於官子好古字信

甫少讀書善屬文器識宏遠勇而有謀父晉亨權知東平府

事嚴忠濟承制以好古權其父軍戍宿州戊午案戊午為憲宗八年秦

真授行軍千戶攻樊城身中流矢戰不少卻略揚州循泰興

海門而還擊邵伯埭拔之從大軍攻鄂中統元年還宿州忠

濟命兼恩州刺史訪民瘼革吏弊立為條約未幾移戍蘄州

李璫叛據濟南宋人攻蘄好古率兵迎擊力戰死之弟好義

襲案世祖本紀至元二年以千戶張好古破王事命其弟好義好禮並襲職傳失載下江淮有功元

嚴寶信都人太宗時襲兄職管軍總管兼信都縣尹有惠政

子天祐爲上均州百夫長淮西運判

冀州志

孔元字彥亨新河人

明一統志 案新河縣志暨明一統志俱作新河人元史作眞定人

驍勇

有智略歲丁酉棄家從軍隸丞相史天澤麾下戊戌從取焦

湖圍壽春先登拔其西堡己亥從征安豐力戰卻敵己酉從

圍泗州俱有功辛亥從攻五堂山寨俘其眾以歸戊午從攻

樊城親王塔齊爾命取樊西堡元率死士挺槍大呼擊殺數

百人斬首十九級以獻中統元年扈駕北征二年宣授管軍

總把至元十一年從伐宋爲前鋒所向克捷十四年進武略

將軍管軍千戶明年還軍北征進武義將軍侍衛親軍千戶

賜佩金符又明年國兵討叛王寶勒們等從行院拜奇頁勒

密實追其眾至烏蘇洋而還分軍之半扼其要害地餘眾遂

潰獲輜重牛馬帝大悅賞賚甚厚加宣武將軍右衛親軍總

管十九年以疾卒子鷹揚襲授昭信校尉右衛親軍努軍千戶仍佩金符至大元年卒子成祖襲延祐二年卒子阿海原作

那襲元海襲史

謹案新河縣志成祖作繩祖至正間以忠勇聞觸宰相忌飲鳩死子周彬隱居不仕與此不合

鄭甫字仲美棗強人美容儀音吐洪暢稍長志節豪邁金季輦其父母避亂河南服農孝養後其兄義奮蹟閭里因挈家北還時元兵南下從兄謁軍門主帥嘉其驍勇授右副監軍從征益都當矢石之衝常居兄前爲蔽身受數矢不爲動尋攻信安拔之義以功累陞龍虎上將元州兵馬都元帥甫初署棗強簿進縣丞蒞事嚴明吏畏民安擢同知冀州節度使事旱蝗民饑出所有以賑全活甚眾授璽書仍前職兼管民

萬戶時民力日屈積歲負賦浸多有司徵之急乃書為已券
 貸錢輸之先是信安之役城久乃下主將欲屠之義甫泣請
 得免有季佛子者以符水惑眾作亂棗強之東事覺當事欲
 盡誅之義甫為營解誅七人所活以億萬計甫六十謝事年
 七十有九卒於家子十九人義子九人

棗強縣志

鄭天敘棗強人驍勇多謀累拜征南統兵大帥剿巨寇邊塵
 肅清帝嘉其功樹碑旌之弟天倫授大將與兄同領兵征南

屢立殊勳並勒石

棗強縣志

謹案棗強縣志云舊志止載天敘天倫姓名而州志所載
 事實甚簡正定志二人俱云至正中拜肅清元帥別無事

實前令羅廷唯謂邑鄉賢祀鄭天倫鄭天敘二人而冀州

志載兄弟俱為元帥及活棗強一事及搗廣川鄉鄭氏墓

表觀之而兄曰義弟曰甫無天倫天敘之名考其事與州志相符又爲元世祖時人非順帝時或曰天倫卽義天敘卽甫卒於世祖時而縣前碑亭則元順帝時所立天倫天敘或其別號故與墓表相符後之修州志者不知何以削去謹兩載其人以俟考

吳謙字謙甫信都人父偉廣平路總管謙性孝敬讀書達政事善騎射從事行伍區畫戰略將帥賴之嘗活俘民三百餘口至元十七年授將仕郎清遠丞逾月解綬歸以養親教子爲樂尋卒以子繹貴進嘉議大夫正定路總管上輕車都尉追封渤海郡侯

冀州志

周祥棗強人至元間選充尙書省令史居官廉幹立政不煩

不苛仕至戶部侍郎

棗強縣志

劉理南宮人至元間為新鄉尹捐資修學校平賦役杜私謁

獄訟無留滯民為刻石紀之河南通志

趙志南宮人至元中冀州志作至正中除長葛縣尹為政寬和撫字

有方邑地卑溼志相其宜使為水田旱則決渙水灌之民獲

其利同上

康繼禮南宮人元貞二年為將仕佐郎國子博士善屬文冀州志

志

李良弼初名良卿新河人仕至中奉大夫甘肅等處行中書

省參知政事良弼性資誠懇有謀善斷敷歷中外者垂三十

年所在俱有惠政民懷思之仁宗嘉其功賞賚有加新河縣志

李希賢新河人仁宗時授遼州知州兼管諸軍與魯勸農事

居官律身公勤廉謹有聲於時官至奉議大夫同上

吳弼字良輔新河人至治中仕為新州知州兼管諸軍奧魯
勸農事有循良聲同上

張執冀州人至正四年任香山縣尹廉謹自勵丙戌秋李童
入寇海上奉檄平之民賴以安解宇橋梁一侈前觀而民不

擾

廣東通志

李璋字和玉武邑人疏財仗義母疾革禱東嶽行祠願減已
算以延母疾果愈邑人慕其德立祠祀之武邑縣志

孫夢錫武邑人博學多識長於詩賦累官至中順大夫江陰

縣尹

冀州志

趙州

王義字宣之正定甯晉人家世業農義有膽智沈默寡言讀
書知大義金人遷汴河朔盜起縣人聚而謀曰時事如此吾

儕欲保全家室宜有所統屬乃推義攝行縣事尋號爲都統
太師國王穆呼哩兵至城下義率眾以甯晉歸入覲太祖賜
駿馬二匹授甯晉令兼趙州以南招撫使是時兵亂民廢農
耕所在人相食甯晉東有藪澤百餘里中有小堡曰瀝城義
曰瀝城雖小而完且有魚藕菱芡之利不可失也留偏將李
直守甯晉身率眾保瀝城由是全活者眾歲乙亥金將李伯
祥據趙州穆呼哩遣義搗其城會天大風雨義率壯士挾長
梯疾趨夜四鼓齊登殺守陴者城中亂伯祥挺身走天壇寨
一州遂定穆呼哩承制授義趙州太守趙冀二州招撫使丁
丑大軍南取鉅鹿洺州二城案胡祇適撰王義行狀作南取鉅鹿洺州南宮三城軍還
至唐陽西九門遇金監軍納蘭率冀州節度使柴茂等將兵
萬餘北行義伏兵桑林以百騎挑之納蘭來迎戰因稍卻誘

之近桑林伏起金兵大亂奔還獲納蘭二弟及萬戶李虎戊

寅拔東鹿進攻深州守師以城降順天都元帥張柔上其功

升深州節度使深冀趙三州招撫使金將武仙以兵四萬來

攻東鹿仙諭軍士曰東鹿兵少無糧城無樓櫓一日可拔也

盡銳來攻義隨機應拒積三十日不能下大小數十戰皆捷

一夕義召將佐曰今城守雖有餘然外無援兵糧食將盡豈

可坐而待斃椎牛饗士率精銳三千銜枚夜出直搗仙營仙

軍亂乘暗攻之殺數千人仙率餘眾遁還正定悉獲其軍資

器仗穆呼哩聞之遣使送銀牌十命義賜有功者庚辰拔冀

州獲柴茂械送軍前穆呼哩張柔復上其功授龍虎衛上將

軍武安軍節度使行深冀二州元帥府事賜金虎符辛巳

案續

通志云太祖紀十五年庚辰武仙降二十年乙酉復以正定
叛金史武仙傳所載相符本傳序謀襲趙州事於辛巳年恐

誤仙復遣其將盧秀李伯祥率兵謀襲趙州并取瀝城率戰
艦數百艘沿江而下義具舟楫于紀家莊截其下流邀擊之
義士卒皆水鄉人善水戰回旋開闔往來如風雨船接則躍
登彼船奮戈疾擊敵莫能當殺千餘人擒秀伯祥退保瀝城
義引兵拔之伯祥西走二子死焉邢州盜號趙大王聚眾數
千據任縣固城水寨甲午義引兵薄其城一鼓下之餘黨悉
平義乃布教令招集散亡勸率種藝深冀之間遂爲樂土云

元史

趙彧柏鄉人弱冠隸軍籍爲五十人長世祖時收濟南拔東
海州復攻泰州新城左右肩中矢及槩不稍卻元帥孛羅歡
嘉其功授百人長大兵至揚州授彧銀符忠顯校尉右衛管

軍總把積勞艱視命子英襲其官

柏鄉縣志

張全柏鄉人倜儻好義善騎射邑人依以爲生元兵南下率吏民歸國王穆呼哩王承制以爲柏鄉令子元襲職佩金符爲柏鄉丞歲饑出粟振之全活者眾卒贈中順大夫清河郡侯子瑞由柏鄉丞累官至敦武校尉珪以子居敬贈清河郡

侯柏鄉縣志

董元柏鄉人有勇力以仁孝得鄉里心金亂兄避外獨居養親盜至設計擒縛村人恃以無擾雲州置銀場官發民數百爲工命元衛送比至無一軼者里有訟者咸折衷於元或至門感愧而返趙州志卒年七十有五會葬者三千餘人以孫訥贈亞中大夫追封趙郡侯訥英宗時官江西行臺副使泰定初拜吏部侍郎尋進左司郎中吏部尙書虛心用人世稱公

平云柏鄉縣志

劉安世趙州志作世安柏鄉人父才以孝聞元初官趙州奧魯總管

遷千戶居官有聲安世其仲子也柏鄉縣志性篤孝父疾革安世

中夜臥墅南石橋冰上冰融三寸許即以瓶取水飲才而愈

遠近駭異以為誠孝所感大清一統志從攻潭州有功累遷忠顯

校尉萬戶府把總柏鄉縣志

陳祐一名天祐字慶甫趙州甯晉人世業農祖忠博究經史

既沒門人謚曰茂行先生祐少好學家貧母張嘗翦髮易書

使讀之歲癸丑穆哥王府案錢大昕元史考異云睿宗子末哥大王丁巳年分撥河南府五千

五百五十二戶末哥一作穆哥亦作摩哥傳作云穆王者即穆哥也依史例當稱穆哥王府傳蓋沿王惲所作神道碑文

而不知其非史法也謹據增哥字分土于陝洛表祐為河南府總管下車禮

金季名士李國維楊杲李微薛元咨訪治道奏免征西軍數

百家及椒竹諸稅糧料等錢又上便民二十餘事朝廷皆從

之世祖卽位分陝洛爲河南西路中統元年眞除祐爲總管以清慎見稱在官八年如始至之日至元二年調官法行改南京路治中適東方大蝗徐邈尤甚責捕至急祐曰捕蝗慮其傷稼也今蝗雖盛而穀熟不如令早刈之庶力省而有得兩州之民皆賴焉三年朝廷以祐降官無名乃賜虎符授嘉議大夫衛輝路總管衛當四方之衝號爲難治祐申明法令創立孔子廟修比干墓且請於朝著於祀典嘗上書世祖言樹太平之本有三一曰太子國本建立宜早二曰中書政本責成宜專三曰人材治本選舉宜審事雖未能盡行時論稱之六年置提刑按察司首以祐爲山東東西道提刑按察使

案續通志云百官志云國初立提刑按察司四道一曰山東東西道至元六年以提刑按察司兼勸農使與此不合時

中書尙書二省并立帝厭其煩欲合爲一集大臣雜議祐還

朝命預阿哈瑪特爲尙書平章政事欲奏升中書右丞相安圖爲太師因罷中書省懼祐有異議許進祐爲尙書參知政事以啗之及入議祐極言中書政本祖宗所立不可罷三公古官今徒存其虛位未須設事遂寢阿哈瑪特怒其忤已除僉中興等路行尙書省事西涼隸永昌王府其達嚕噶齊及總管被誣搆家各百餘口王欲悉致之法祐力辯其冤二人皆獲免朝廷大舉伐宋遣祐簽軍山東民多逃匿聞祐至皆曰陳按察來必無私遂皆出應期而辨十三年授南京總管兼開封府尹吏多震懾失措祐曰何必若是前爲盜跖今爲顏子吾以顏子待之前爲顏子今爲盜跖吾以盜跖待之由是吏知修飭不敢弄法許蔡間有巨盜祐捕之急逃入宋境宋亡隨制置夏貴過汴祐斥下馬撻殺之民間帖然十四年

遷浙東道宣慰使時江南初附軍士俘虜温台民男女數千

口祐悉還之未幾行省權民商酒稅祐請曰兵火之餘傷殘

之民宜從寬恤不報遣祐檢覆慶元台州民田及還至新昌

值玉山鄉盜倉卒不及備遂遇害

案虞集撰陳思濟神道碑云時盜起新昌玉山宣慰

陳祐率師往討爲飛矢所中而殞與傳異

年五十六詔贈推忠秉義全節功臣浙

江等處行中書省左丞封河南郡公諡忠定父老請留葬會

稽不得乃立祠祀之祐能詩文有節齋集子夔芍陂屯田萬

戶初在揚州聞祐遇盜泣請於行省願復父讎擒其賊魁戮

於紹興市孫思魯襲芍陂屯田萬戶思謙字景讓浙東宣慰

使祐之孫也少孤警敏好學凡名物度數綱紀本末考訂詳

究尤深於邵子皇極經世書文宗天歷初爲丞相高昌王伊

都呼所舉授典寶鑑經歷改禮部主事首言教坊儀鳳二司

請併入宣徽以清禮部之選其官屬不當與文武官並列朝會宜置百官之後大樂之前詔從之而二司隸禮部如故至順元年拜西行臺監察御史建明八事一日正君道二日結人心三日崇禮讓四日正綱紀五日審銓衡六日勵孝行七日紓民力八日修軍政先是關陝大饑民多鬻產轉徙及來歸者皆無地可耕思謙令聽民倍直贖之使富者收兼入之利貧者獲已棄之業監察御史李擴行部甘肅金州民劉海廷都其男元元自稱本流民非海廷都之子告父掠其財擴聽之以酷法抑其父思謙劾擴逆父子之天壞朝廷之法遂抵擴罪明年遷太禧宗禋院都事拜監察御史首陳四事言上有宗廟社稷之重下有四海蒸民之生前有祖宗垂創之艱後有子孫長久之計中論秦漢以來上下千餘年天下一

統者六百餘年而已我朝開國百餘年混一六十餘年土宇
人民三代漢唐所未有也民有千金之產猶謹守之以爲先
人所營况君臨天下承祖宗艱難之業而傳祚萬世者乎臣
愚以興亡懇懇言者誠以皇上有元之聖主今日乃皇上乘
時圖治之機茲不可失也又言戶部賜田諸集賽支請海青
獅豹肉食及局院工糧好事布施一切泛支以至元三十年
以前較之動增數十倍至順經費缺二百三十九萬餘錠宜
節無益不急之費以備軍國之用苟能三分損一以惠民夫
豈小哉又言軍站消乏僉補則無殷實之戶接濟則無羨餘
之財倘有征行必括民間之馬苟能修馬政亦其一助也方
今西越流沙北際沙漠東及遼海地氣高寒水甘草美無非
牧養之地宜設置羣牧使司統領十監專治馬政并畜牛羊

數年之後馬實蕃盛或給軍以收兵威或給站以優民力牛
羊之富又足以給國用非小補也又言銓衡之弊入仕之門
太多黜陟之法太簡州郡之任太淹朝省之除太速欲設三
策以救四弊一曰至元三十年以後增設衙門冗濫不急者
從實減并其外有選法者并入中書二曰宜參酌古制設辟
舉之科令三品以下各舉所知得才則受賞失實則受罰三
曰古者刺史入爲三公郎官出宰百里蓋使外職識朝廷治
體內官知民間利病今後歷縣尹有能聲善政者受郎官御
史歷郡守有奇才異績者任憲使尙書其餘各驗資品通遷
在內者不得三考連任京官在外者須歷兩任乃遷內職績
非出類守不敗官者則循以年勞處以常調凡朝缺官員須
二十月之上方許遷除帝命中書議行之時居憂者多奪情

起復思謙言三年之喪謂之達禮自非金革不可從權遂著
爲令有詔起報嚴寺思謙曰兵荒之餘當罷土木以紓民力
帝嘉之曰此正得祖宗立臺憲之意賜縑綺旌之俄遷右司
都事元統二年轉兵部郎中改御史臺都事重紀至元元年
出爲淮西道廉訪副使未期月引疾歸召爲中書省員外郎
上言強盜但傷事主者皆得死罪而故殺從而加功之人與
鬪毆殺人者例杖一百七口得不死與私宰牛馬之罪無異
是視人與牛馬等也法應加重因姦殺夫所姦妻妾同罪律
有明文今止坐所犯似失推明遂令法曹議著爲定制至正
元年轉兵部侍郎丁內艱服除召爲右司侍郎歲凶盜賊蠡
起剽掠州邑思謙力言於執政當竭府庫以賑貧民分兵鎮
撫中夏以防後患五年參議中書省事轉刑部尙書改湖廣

廉訪使八年遷淮東宣慰司都元帥九年遷浙西廉訪使湖廣行中書省叅知政事辭十一年改淮西廉訪使廬州盜起思謙言於宣讓王特穆爾布哈曰承平日久民不知兵王以帝室之胄鎮撫淮甸豈得坐視思謙願與王戮力殄滅王曰此吾責也但鞍馬器械未備思謙括官民馬置兵甲與王分道並進遂擒渠賊廬州平旣而賴寇將渡淮又言於王卽調芍陂屯卒用之王曰非奉詔不敢思謙言非常之變理宜從權擅發之罪思謙坐之王感其言從之其姪立本爲屯田萬戶召語曰汝職乃我先人力戰所致今國家有難汝當身先士卒以圖報效庶無負朝廷也尋召入爲集賢侍講學士修定國律十二年拜治書侍御史明年升中丞上章乞老不允特旨進一品授榮祿大夫仍御史中丞入謝感疾命下翼日

卒贈宣猷秉憲佐治功臣翰林學士承旨榮祿大夫柱國追

封魯國公諡通敏

元史

陳天祥字吉甫祐之弟也祐仕河南因自甯晉徙家洛陽天祥少隸軍籍善騎射中統三年李璫叛據濟南結宋爲外援河北河南宣慰司承制授天祥爲千戶屯三汊口防遏宋兵事平罷歸居偃師南山躬耕讀書從遊者甚眾其居近緱氏山因號緱山先生初天祥未知學祐未之奇也別去數歲獻所爲詩於祐祐疑假手他人及與語出入經史談辯該博乃大稱異至元十一年起家從侍郎郢復州等處招討司經歷從國兵渡江論軍中事深爲行省叅政賈居貞所器十三年興國軍以籍兵器致亂行省命天祥領軍士纔十人入其境去城近百里止二日乃至城中父老來謁天祥諭之日捍衛

鄉井誠不可無兵任事者籍之過當故致亂耳今合汝輩權置兵仗自衛何如民皆稱便乃條陳其事於行省曰鎮遏姦邪當實根本若內無備禦之資則外生窺覷之釁此理勢必然者也推此軍變亂之故正由當時處置失宜疏於外而急於內凡在軍中者寸鐵尺仗不得在手遂使奸人得以竊發公私同被其害今軍中再經殘破單弱至此若猶相防而不相保信豈惟外寇可憂第恐舟中之人皆敵國矣莫若推赤心於人使勦力同心與均禍福人則我之人兵則我之兵靖亂止奸無施不可惟冀少加優容然後責其必成之效行省許以從便處置由是流移復業以至鄰郡之民來歸者相繼伐茅斬木結屋以居天祥命以十家爲甲十甲有長弛兵禁以從民便人心旣安軍勢稍振用土兵收李必總山寨不戮

一人他寨聞之各自散去境內悉平時州縣官吏未有俸祿天祥從便規措而月給之以止其貪民用弗擾鄰邑分甯爲變謀者時至吏請捕之天祥曰彼以官吏貪暴故叛今我一軍二縣官無侵漁民樂其業使之歸告其黨則謀者反爲我用矣遂一無所問及敗逃入興國境者數千人天祥命驗口給糧事定皆得保全而歸莫不服其威信居歲餘代者至變更舊政治隱匿兵者甚急未久興國復變鄰郡壽昌府及大江南北諸城邑多乘勢殺守將以應之聲言攻陽羅堡鄂州大震天祥言於賈居貞曰陽羅依山爲壘素有嚴備彼若來攻我之利也且南人浮躁輕進易退官軍憑高據險區區烏合之衆與之相敵不二三日死傷必多逃遁者十八九我出精兵以擊之惟急走者得脫乘此一勝大勢已定然破取黃

州壽昌如摧枯拉朽耳居貞然之力趣行省進兵次青山明日大敗其眾如天祥所料初行省聞變盡執鄂州城中南人將殺之以防內應居貞救之不能得天祥曰是州之人與彼勢本不相接欲殺之者利其財耳力止之至是被執者皆縱去復遣天祥權知壽昌府事授兵二百餘人爲亂者聞官軍至皆棄城依險自保天祥遣諭各歸田里惟生擒亂首毛遇順周監斬於鄂州市得金二百兩詢之爲鄂州賈人之物召而還之王宗一等十三人繼亦就擒以冬至日放令還家約三日來歸獄皆如期而至白宣慰司盡縱之由是無復叛者百姓爲立生祠二十一年拜監察御史會右丞盧世榮聚斂驟升執政御史中丞崔彧言之帝怒欲致之法世榮欲益張左司郎中周戴因議事微有可否世榮誣以阻法奏令杖一

百然後斬之於是臣寮震懾無敢言者

案續通志云崔彧及盧世榮傳或與周賊

論列盧世榮事並在二十二年

二十二年天祥上疏極言世榮奸惡其略曰

盧世榮素無文藝亦無武功惟以商販所獲之貲趨附權臣營求入仕輿贓輦賄輸送權門所獻不充又別立欠少文券銀一千錠由白身擢江西權茶轉運使專務貪饕所犯贓私動以萬計其隱秘者固難悉舉惟發露者乃可明言凡其措取於人及所盜官物略計鈔以錠計者二萬五千一百一十九金以錠計者二十五銀以錠計者一百六十八茶以引計者一萬二千四百五十有八馬以匹計者十五玉器七事其餘繁雜物件稱是已追納及未納見追者人所共知今竟不悔前非狂悖愈甚以苛刻爲自安之策以誅求爲干進之門旣懷無饜之心廣畜攘掇之計而又身當要路手握重權雖

位在丞相之下朝省大政實得專之是猶以盜跖而掌阿衡之任不止流殃於當代亦恐取笑於將來朝廷信其虛誑之說俾居相位名爲試驗實授正權校其所能敗闕如此考其所行毫髮無稱此皆既往之真迹可謂已試之明驗若謂必須再試止可敘以他官宰相之權豈宜輕授夫宰天下譬猶製錦初欲驗其能否先當試以布帛如無能效所損或輕今捐相位以試驗賢愚猶試美錦以校量工拙脫致隳壞悔將何追國家之與百姓上下如同一身民乃國之血氣國乃民之膚體血氣充實則膚體康強血氣損傷則膚體羸病未有耗其血氣能使膚體豐榮者是故民富則國富民貧則國貧民安則國安民困則國困其理然也昔魯哀公欲重斂於民間於有若對曰百姓足君孰與不足百姓不足君孰與足以

此推之民必須賦輕而後足必待民足而後豐書曰民惟邦
本本固邦甯厯考前代因百姓富安以致亂因百姓因窮以
致治自有天地以來未之間也夫財者土地所生民力所集
天地之間歲有常數惟其取之有節故其用之不乏今世榮
欲以一歲之期將致十年之積危萬民之命易一己之榮廣
邀增羨之功不恤顛連之患期錙銖之誅取誘上下以交征
視民如讎爲國斂怨果欲不爲國家之遠慮惟取速效於目
前肆意誅求何所不得然其生財之本旣已不存斂財之方
復何所賴將見民間由此彫耗天下由此空虛安危利害之
機殆有不可勝言者計其任事以來百有餘日驗其事迹備
有顯明今取其所行與所言而已不相副者略舉數端始言
能令鈔法如舊鈔今愈虛始言能令百物自賤物今愈貴始

言課程增添三百萬錠不取於民而辦今卻迫脅諸路官司
增數包認始言能令民快樂凡今所爲竟敗法擾民者若不
早有更張須其自敗正猶蠹雖除去本病亦深始嫌曲突徙
薪終見焦頭爛額事至於此救將何及臣亦知阿附權要則
榮寵可期違逆重臣則禍患難測緘默自固亦豈不能正以
事關國家關繫不淺憂深慮遠不得無言世祖聞其語遣使
召天祥與世榮俱至上都面質之既至卽日有內官傳旨縛
世榮於宮門外明日入對天祥於帝前再舉其所言與未及
盡言者帝皆稱善世榮遂伏誅五月朝廷錄天祥從軍渡江
及平興國壽昌之功進秩五品擢吏部郎中二十三年除治
書侍御命理算湖南湖北行省錢糧天祥至鄂州卽劾平章
約蘇穆爾凶暴不法時僧格竊國柄與爲姻婭誣天祥以罪

欲致之死繫獄幾四百日二十五年遇赦得釋二十八年擢
行臺侍御史未幾以疾辭歸三十年授燕南河北道廉訪使
時盜賊羣起山東居多詔求弭盜方略天祥奏曰古者盜賊
之起各有所因除歲凶饑饉誘之天時宜且勿論他如軍旅
不息工役薦興聚斂無厭刑法紊亂之類此皆羣盜所起之
因中間保護存養之者赦令是也赦者小人之幸君子之不
幸一歲再赦善人喑啞前人之言備矣彼強梁之徒各執兵
杖殺人取貨不顧其主有司盡力以擒之朝廷加恩以釋之
且脫釋囚暮卽行劫又復督勒有司給限追捕賊皆經慣習
以爲常既不感恩又不畏法凶殘悖逆性已頑定誠非善化
能移惟以嚴刑可制所擬事條皆切於時用於是嚴督有司
捕殺積盜南至漢江二千餘里無得脫者平陰縣女子劉金

蓮假妖術以惑眾所至官爲立神堂天祥命繫之杖於市自此神怪屏息天祥言山東宣慰司官冗宜罷因劾奏其使貪暴不法事格不行遂以任滿辭去大德三年遷河北河南廉訪使以疾不起人有冤抑者往往就天祥家求直天祥以不在其位卻去之六年升河南行臺御史中丞上章論西南夷事曰兵有不得已者亦有不得已而不得已者惟能得已則已者使兵力強以備不得已而不得已之用是之謂善用兵者也去歲行省右丞劉深遠征八百媳婦國此乃得已而不得已之兵也彼荒裔小邦遠在雲南之西南又數千里其地爲僻陋無用之地人皆頑愚無知取之不足以爲利不取不足以爲害深欺上罔下帥師伐之經過八番縱橫自恣恃其威力虐害居民中途變生所在皆叛深旣不能制亂反爲亂眾所制軍

中乏糧人自相食計窮勢蹙倉皇退走土民隨擊以致大敗
深棄眾奔逃僅以身免喪兵十八九棄地千餘里朝廷再發
陝西河南江西湖廣四省諸軍使劉二巴圖總管以圖收復
叛地湖北湖南大起丁夫運送軍糧至播州交納其正夫與
擔負自己糧食者通計二十餘萬正當農時興此大役驅愁
苦之人往迥數千里中何事不有或所負之米盡到固爲幸
矣然數萬之軍止仰今次一運之米自此以後又當如何比
問西征敗卒及其將校頗知西南遠夷之地重山複嶺陡澗
深林竹木叢茂皆有長刺軍行徑路在於其間窄處僅容一
人一騎上如登天下如入井賊若乘險邀擊我軍雖眾亦難
爲也又其毒霧煙瘴之氣皆能傷人羣蠻旣知大軍將至若
皆清野遠遁阻其要害以老我師或進不得前旁無所掠土

卒飢餒疫病死亡將有不戰自困之勢不可不爲深慮也且
自征伐倭國占城交趾瓜哇緬國以來近三十年未嘗見有
尺土一民內屬之益計其所費錢財死損軍數可勝言哉去
歲西征及今此舉亦復何益前鑑不遠非難見也軍勞民擾
未見休期只深一人是其禍本又聞八番羅國之人向爲征
西之軍擾害捐棄生業逃反深入於骨髓皆欲得其肉而分
食之人心皆惡天意亦憎惟須上承天意下順人心早正深
之罪續下明詔示彼一方以聖朝數十年撫養之恩仍諭自
今再無征遠之役以此招之自有相續歸順之日使其官民
上下皆知未須遠勞王師與區區小醜爭一旦之勝負也昔
大舜退師而苗民格充國緩戰而羌眾安事載經傳爲萬世
法爲今之計宜且駐兵近境使其水路遠近得通或用鹽引

茶引或用寶鈔多增米價和市軍糧但法令嚴明官不失信
可使米船蔽江而上軍自足食民亦不擾內安根本外固邊
陲以我之鎮靜禦彼之猖狂布恩以柔其心蓄威以制其力
期之以久漸次服之此王者之師萬全之利也若謂業已如
此欲罷不能亦當慮其關係之大審詳成敗算定而行彼溪
洞諸蠻各有種類今之相聚者皆烏合之眾必無久能同心
敵我之理但急之則相救縱之則相疑以計使之互相讎怨
待彼有可乘之隙我有可動之時徐命諸軍數道俱進服從
者恩之以仁拒敵者威之以武恩威相濟功乃易成若舍恩
任威以蹈深之覆轍恐他日之患有甚於今日也不報遂謝
病去七年召拜集賢大學士商議中書省事八年地震河東
尤甚詔問弭災之道天祥上章極言陰陽不和天地不位皆

人事失宜所致執政者以其言切直抑不以聞天祥自被召

還京至是且一歲未嘗得見帝言事常鬱鬱不自釋久之移

疾去至通州中書遣使追留不還帝聞賜鈔五千貫仍命給

傳專官護送至家天祥望闕拜謝辭所賜鈔而行九年拜中

書右丞議樞密院提調諸衛屯田使者五至召不赴十一年

仁宗在懷州遣使賜幣帛上尊酒至大四年仁宗即位復遣

使召之以老疾辭延祐三年卒年八十有七案元史考證云張養浩撰神道

碑載天祥年八十有七又稱大德九年為中書右丞時年七十六考之本紀大德九年至延祐三年相距十二年天祥是

時實八十有七原累贈推忠正義全德佐理功臣河南江北作八十今據改

等處行中書省平章政事追封趙國公諡文忠元史

王忱字允中趙州甯晉人慶源軍節度副使玉之子幼讀書

明敏有才識平章趙璧引見裕宗潛邸命宿衛掌錢穀計簿

授山北遼東道提刑按察司副使駙馬博和哩數馳獵蹂民
田忱以法繩之憲吏耿熙言徵北京宣慰司積年逋負計可
得鈔二十萬錠帝遣使覈實熙懼事露擅增制語有并打算
大小一切諸衙門等事凡二十字追擊官吏至數百人忱驗
問知其詐熙乃款伏裕宗薨於潛邸忱建言陛下春秋高當
早建儲嗣平章博果密以聞帝嘉納爲改河北河南道提刑
按察副使忱以江南人鬻子北方名爲養子實爲奴也乞禁
之又省部以正軍餘田出調發忱言士卒衝寒冒暑遠涉江
海宜加優恤皆從之潁州朱喜嘗俘於兵旣自贖主家利其
資復欲以爲奴又有誣息州汪爲奴殺而奪其妻子及田宅
者獄久不決忱皆正之劾罷鎮南帥唐古特唐古特結援大
臣誣奏於帝繫忱至京師得面陳其事世祖大悟抵唐古特

罪起忱爲燕南河北道肅政廉訪副使累遷嶺南廣西河東山西兩道肅政廉訪使江陵汴梁兩路總管至大三年拜中奉大夫雲南行省參知政事未行卒

元史

張謙趙州人元貞元年授廣東道肅政廉訪使發奸擿伏官吏畏之民有湯姓者富於財爲仇人湯舉誣告於縣其親雜公輔嘗以他事告縣令正夔於憲臺因而憾之遂教訟者供公輔縛其僕下水死鍛鍊成獄惟不獲屍謙以爲疑密購之具檄城隍神期以七日必得如期果獲其明斷類此爲政踰年杯水無所私後卒於官其子護喪北歸諸司贈遺一無所受

廣東通志

張居敬柏鄉人事武宗潛邸歷徽政院掾升客省使督軍匠建冷泉浮圖除徽政院都事歷中憲大夫都轉運使止支帖

不經漕司者米四十萬石補綱戶賣綱船革水土雜木之弊

公私便之累官蘄州路總管

柏鄉縣志

李思明高邑人初遊丞相西曹掾爲壽福院都事歷工戶二

部主事刑部員外郎御史臺都事遼陽行省郎中山東道廉

訪副使遂爲兵部侍郎質實自信未嘗矜知飾名臨事毅然

有守丞相倒刺沙當國思明與之忤會御史封章言天下水

旱民貧皆樞相不能調燮所致倒刺沙入言御史誣詆大臣

惑亂朝政遂以臺臣損益御史封章奏聞爲罪思明白劾已

責於臺臣無與詞氣奮激聞者聳然

高邑縣志

張公爵甯晉人有材行董修大內諸宮闕用省而工堅泰定

間京畿雨水關陝旱命公爵賑之所活無算至順初有請給

西域寶鈔者公爵力排之而止僉憲山南按部松滋小吏受

賄獄具有蜘蛛抱筆卒辨其誣在戶曹考核京倉逋粟得二十八萬石廷議嘉之順德旱下車而雨教養兼濟刑民戴之

甯晉
縣志

荆元剛甯晉人至正間爲遼東廉訪使能持風紀爲世所稱卒諡端敏孫思溫至正中爲廣信府玉山尹有善政澤民民

立碑頌德

甯晉
縣志

元思明字顯卿隆平人至正間判深澤好賢下士均賦平糶人多思之

隆平
縣志

段德隆字繼賢甯晉人通譯語及蒙古字尋掌制書歷零陵邵陽二縣尹同知南安路總管府事遷興化路總管楚粵尙
涇祀德隆悉毀其祠築宮祀濂溪周子民知崇正按屬縣豪
民林玉擅專水利罪興蘆蒲閘口以捍潮汐陵患虎爲文遂

之虎患遂息父患目疾德隆灌漱舐之而愈居母喪廬墓側躬負土以封二千石聞於朝命復其家

甯晉縣志

董鉉字鼎臣甯晉人金二千石誠之孫也歷官絳趙二州牧以循吏稱出俘口三百人爲良民時人高之弟錫字伯祿性英敏純正歷官監察御史嘉議大夫保定路清工匠提領金符河南路總管工兵刑三部尙書弟銓字敬之爲開平路總管留守上都除強遏惡不避權貴遷通政院使子四人德輔德昌德裕德新俱至州牧

同上

賈廷瑞柏鄉人父諒以學業爲鄉里師早卒母滑氏守節教以父書長事丞相順德王答刺罕任都事遷吏部除同僉徽院尙書省以忤近侍棄官居母喪廬墓三年服闋除揚州路

總管

柏鄉縣志

陳忠隆平人性敏好學工詞賦三試別殿後絕意仕進以吟詠自娛同縣韓世安善屬文隱居不出號堃逸子著有禱雨

感應記

隆平縣志

張會趙州人好學工古文隱居不仕自號鈔庵

趙州志

深州

李春武強人武略過人金末集兵降元受行軍督統行東武州事後以功累遷定遠大將軍兼行元帥事又遷東武州節度使春任摧殘之後科役平均人無爭訟有熙皞之風祀鄉

賢

武強縣志

高源字仲淵晉州饒陽人高祖揖爲州法吏用法公平父汝霖爲眞定廉訪司照磨使東平道經高唐遇盜死源幼力學事母孝補縣吏中統初擢衛輝路知事累升齊河縣尹有遺

愛去官十年民猶立碑頌之遷行臺都事僉江南浙西道提
刑按察事劾常州路達魯齊馬恕奪民田及他不法事恕懼
走賂權臣阿哈瑪特以他事誣源既繫獄時源所居鄰里多
阿哈瑪特姻戚素知源事母孝至是聞源坐非辜悉詣阿哈
瑪特曰源孝子也天必知之若妄殺源悖天不祥阿哈瑪特
感悟得不死尋除河間等路都轉運副使撫治有條竈戶逃
者皆復業常賦外羨餘幾十萬緡至元二十四年爲江東道
勸農營田使二十八年遷都木監開通惠河由文明門東七
十里與會通河接置閘七橋十二人蒙其利授同知湖南道
宣慰司事卒年七十七子夢弼良弼公弼

元史

謹案饒陽縣志云元史止言源晉州人攷新遷廟學碑記
實饒陽人其二云晉州以饒時隸晉也謹從縣志於晉州下

增饒陽字

王綱字政之先世淄川人祖德金末官長山令兵亂徙安平因家焉父義豐資樂施綱少以刀筆試吏從事潁州言互市之法公私利之辟除曹幕以幹才稱累官工部郎中疏言時弊出爲益州淘金總管府遷山東按察副使再轉廣東所至

克副其任年五十四卒

安平縣志

梁大有饒陽人父善治家病革謂大有曰多財適足累子孫吾死其散施之大有卽取父所稱貸粟三千石焚其券又出錢十萬緡以給貧泰定四年齊履祥刻石志之

饒陽縣志

牛繼志武強人至正十四年進士第一官翰林院修撰同知

制誥兼國史院編修祀鄉賢

武強縣志

祝明字文卿號素庵安平人博學善屬文教授生徒從之者

眾屢徵不起著有聲律發蒙行世祀鄉賢

安平縣志

王鑑字明卿真定安平人父瑁爲吳縣尹鑑少侍父官居吳
中介然自處長受學於虞文靖公集喜唐人近體詩時有賦
咏皆平實沈毅遊燕都朝貴交章以茂才舉試侍儀司舍人
鑑斂裳宵遁隨父寓盤門隱居杜門二十餘年家貧無甌石
儲應門獨一老婢客過輒叩鄰家問酒酒至對客劇飲談論
不輟晚節益高張士誠據吳獨造廬訪之嘗語人曰明卿高
士也吾之益友至正丙午卒年七十三士誠令有司送葬恤
其家爲買地橫山葬焉

元詩選

定州

鮮卑仲吉中山人歲乙亥國兵定中原仲吉首率平灤路軍
民詣軍門降太祖命爲灤州節度使從額斯倫南征充右副

元帥攻信取安關州諸城以功賜虎符授河北等路漢軍兵馬都元帥歲壬辰平蔡有功加金吾衛上將軍興平路都元帥右監軍永安軍節度使兼灤州管內觀察使提舉常平倉事開國侯尋卒子準充管軍千戶從扎拉台和爾齊東征高麗中統元年賜金符扈駕征額呼布格以功受上賞三年從征李璫至元十年授侍衛親軍千戶昭武大將軍大都屯田萬戶佩虎符卒子誠襲授宣武將軍高郵上萬戶府副萬戶佩虎符改授懷遠大將軍僉武衛親軍都指揮使司事領兵征瓜哇攻八百媳婦國使廣東克勤於役以疾卒子胡土克

圖原作忽襲元篤士史

謹案灤州志云鮮卑仲吉字慶仲先本中山人避石晉亂徙居灤仲吉居家尙義敦孝後膺選勇敢充副統海賊陷

欒仲吉率土兵吉拒昌等平之州佐楊溟王欽等共推仲吉權領軍事至元丁丑世祖命爲本州節度使兼管內觀察使元帥右監軍仲乘師旅饑饉後率民耕織境內恬然進金吾上將軍兼授金虎符入覲遣同諸將討信安水軍歲辛卯爲兵馬都元帥將四行臺六總管仲吉行兵多謀略不嗜俘戮汴鄭宋徐燕趙之民全活者不可勝計事與傳異附識於後

李進保定曲陽人幼隸軍籍初從萬戶張柔屯杞之三义口築堡於龍岡會淮水汎漲宋舟師卒至進率兵十五人載一舟轉鬪十餘里奪一巨艦以功授百戶戊午憲宗西行丞相史天澤經略河南選諸道兵之饒勇者從命進爲總把由陳倉入興元度米倉關其地荒塞不通進伐木開道七百餘里

至定遠七星關其關上下皆築連堡宋以五百人守之巴渠

江水環堡東流天澤命進往關下說降之不從進潛視間道

歸白天澤曰彼可取也夜二鼓進率勇士七十人掩其不備

攻之脫門樞而入者二十人守門者覺拔刀拒之進被傷懸

門俄閉諸軍不得入進與二十人力戰殺傷三十人宋兵走

上堡進乃毀懸門納諸軍宋兵不能敵俱散走遂得其堡守

之關路始通諸軍盡度己未天澤兵至行在所圍合州釣魚

山寨宋由嘉陵江以舟師來援大戰三槽山西復戰山之東

有功宋兵戰船三百餘泊黑石峽東以輕舟五十爲前鋒北

軍之船七十餘泊黑峽西相距一里許帝立馬東山擁兵二

萬夾江而陣天澤下令於眾曰聽吾鼓視吾旗無少怠也頃

之間鼓聲視其旗東指諸軍遂鼓譟而入宋前鋒潰戰艦繼

亂順流縱擊死者不可勝計帝顧謂諸將曰白旗下服紅半
臂突而前者誰也天澤以進對賞錦衣名馬又戰浮圖關前
後凡五戰皆以功受上賞世祖卽位入爲侍衛親軍中統二
年宣授總把賜銀符三年從征李璫有功至元八年領兵赴
襄陽十二年從略地湖北湖南宋平以兵馬使分兵屯鄂州
十三年領軍三千屯田河西中興府十四年加武略將軍陞
千戶十五年移屯六盤山加武毅將軍賜金符十七年陞明
威將軍管軍總管十九年賜虎符復進懷遠大將軍移屯西
域巴實伯里二十三年海都及都勒幹等叛進與力戰眾寡
不敵軍潰進被擒至吹巴爾原作操入里遁還至和州收潰兵三
百餘人且戰且行至京師賞金織紋衣二襲鈔一千五百貫
二十五年授蒙古親軍都指揮使司簽事明年授左翼屯田

萬戶元貞元年卒子雲襲授武德將軍左翼屯田萬戶佩虎

符皇慶二年加宣武將軍延祐六年仁宗念其父進嘗北征

被掠特賜中統鈔五百錠以恤之泰定元年以疾辭子多爾

濟襲元史

范仲潔定州人至元中為柏鄉令以興學校課農桑為務建

常平倉民甚便之深澤縣志

王結字義伯易州定興人祖逃勤以質子軍從太祖西征娶

鄂勒歡氏自西域徙戍秦隴又徙中山家焉案明一統志及大清一統志

雍正志載入順天府誤結生而聰穎讀書數行俱下終身不忘嘗從太

史董朴受經深於性命道德之蘊憲使王仁見之曰公輔器

也年二十餘遊京師上執政書陳時政八事曰立經筵以養

君德行仁政以結民心育英才以備貢舉擇守令以正銓衡

敬賢士以厲名節革冗官以正職制辨章程以定民志務農
桑以厚民生其言剴切純正宰相不能盡用之仁宗在潛邸
薦結充宿衛乃集厯代君臣行事善惡可爲鑒戒者日陳於
前大德十一年命置東宮官屬以結爲典牧太監階大中
夫近待以佞優進結言昔唐莊宗好此卒致禍敗殿下方育
德春宮視聽宜謹仁宗優納之及卽位遷集賢直學士出爲
順德路總管教民務農興學孝親弟長戢奸禁暴悉登於書
俾朝夕閱習之屬邑鉅鹿沙河有唐魏徵宋璟墓乃祠二公
於學表其言論風旨以勵多士遷揚州又遷甯國以從弟紳
僉江東廉訪司事辭不赴改東昌路境有黃河故道而會通
隄遏其下流夏月潦水壞民麥禾結疏爲斗門以泄之民獲
其利至正二年參議中書省事時拜珠爲丞相結言爲相之

道當正己以正君正君以正天下除惡不可猶豫猶豫恐生
它變服用不可奢僭奢僭則害及於身丞相是其言未幾除
吏部尙書薦賢士宋本韓鏞等十餘人泰定元年遷集賢侍
讀學士中奉大夫會有月食地震烈風之異結言朝廷君子
小人混淆刑政不明官賞太濫故陰陽錯謬咎徵薦臻宜修
政事以弭天變詔知經筵扈從上都結援引古訓證時政之
失冀帝有所感悟中宮聞之亦召進講結以故事辭明年除
浙西廉訪使中途以疾還歲餘拜遼陽行省參知政事遼東
大水結請於朝發粟數萬石以振饑民召拜刑部尙書天歷
元年拜陝西行省參知政事改同知儲慶司事二年拜中書
參知政事以親老辭是時迎立明宗於朔方近侍有求除拜
賞賚者結曰俟天子至議之初上都之變失皇太子寶更鏞

新寶近侍請視舊製宜加大結曰此寶當傳儲嗣不敢踰舊制也或致人於死而籍其妻孥貲產者結復論之近侍怒其異已譖詆日甚罷政集賢侍讀學士丁內艱元統元年除浙西廉訪使未行召拜翰林學士資善大夫知制誥同修國史與張起巖歐陽元修泰定天歷兩朝實錄拜中書左丞中宮命僧尼於慈福殿作佛事已而殿災結言僧尼褻瀆當坐罪左丞相疾革家人請釋重囚禳之結極陳其不可先時有罪者北人則徙廣海南人則徙遼東去家萬里往往道死結請更其法移鄉者止千里外改過聽還其鄉著爲令職官坐罪者多從重科結曰古者刑不上大夫今貪墨雖多然士之廉恥不可以不養聞者謂其得體至元二年卒年六十有二結立言制行皆法古人故相張珪曰王結非聖賢之書不讀非

仁義之言不談識者以爲名言晚邃於易著易說一卷詩文集十五卷四年詔贈資政大夫河南江北等處行中書省右

丞護軍追封太原郡公諡文忠

元史

滕安上安喜人少孤克自砥礪留心正學有東菴類稿行世學士吳澄謂其根以義理翼以英華爲有學有行之言被薦除中山教授召爲國子監陞太常丞拜監察御史京師地震上疏累數百言反覆深切時論韙之以疾去起爲國子司業

卒贈昭文館大學士諡文穆

深澤縣志

王文淵定州人幼失怙能自立嘗推擇爲吏弗屑從滕安上游益自刻勵遂淹洽經史作詩紆徐冲澹得韋柳體當代皆推服焉學者私諡曰貞孝先生

同上

杜儒字席珍深澤人父惟謙常以造士爲己任儒承父志建

義學延明師以教子弟四方從學者置田爲廩餼至正間朝廷聞其賢聘爲雷州教授同上

李楫定州人好學工詩足迹半天下題咏幾遍性喜施子合

族多待以舉火子守貞孫雲鯨亦有文名

曲陽縣志

趙才卿定州人博學多才隱居不仕所注有陰符經傳世同上

周源字濟川定州人輕財好義歲歉出粟數千石賑饑民文

廟傾相捐資修之同知兀納罕爲撰文勒之石

深澤縣志

王明佐字顯卿深澤人性喜急難通陰陽術數嘗建義學延師教後進遠近來學者皆供餼之徵祁州陰陽學正後陞宣

撫教授

同上

馬景文定州人任芮城令弟希文任歸德府同知並有善政

爲時所稱

同上